


五十九



五樂

五十七

萬曆十一年至十四年

國權

癸未萬曆十一年

八廟戎朔永平大雨水

工部右侍郎熊汝達為刑部左侍郎

解池旱涸無鹽商引積九十餘萬運司額鹽六十二萬歲撥

十萬引補派各商

夜石門路臺杆上有火光

辛亥復福建督糧右叅政一分守福寧道叅政仍駐興化兼

鹽官談遷孺木著

管福泉海道副使移省城

復山西大同兵備副使一駐左衛北西中威遠三路整飭邊

備分守道仍駐朔州其大同南路通判駐平城

工科給事中唐克欽言馭吏之要辨真才擇大吏省繁文

士是之

壬子禮部右侍郎高啟愚國子祭酒羅萬化直經筵編脩王

懋德馮琦展書檢討張應元編纂六曹章奏

前大理寺左少卿立樞為通政司右通政

改陝西金州曰興安州

庚午命徐文壁申時行太監張宏同禮工二部堂上官覆擇

壽宮

辛未夜月犯井甯

癸酉徐文壁等擇地二形龍山大峪山以圖上

甲戌通政司右叅議梁子琦以徐文壁等覆闕不列名因劾

禮部尚書徐學謨申時行姻黨形龍大峪並非吉地時行學

謨各跡辨以子琦擇石門溝山坐南向北而偏黃山嶺在

獻裕二陵間位次非耳工奪子琦俸三月

南京右都御史劉思問為南京戶部尚書左僉都御史褚鈇

為大理寺卿河南道御史傅應楨為南京大理寺右寺丞  
丁丑勅武清伯李偉太子少保刑部尚書潘季馴居守右都  
御史攝兵部左侍郎張佳胤為兵部尚書協理京營戎政太  
僕寺卿石星為左僉都御史

真人張國祥族黨偽造勅寶下臺訊國祥自以勅印來京求  
辭印兵科都給事中張鼎思摘之命還山

戊寅廣東按察僉事王用汲為尚寶司卿

是月雲南耿馬酋罕虔助莽應禮出兵查理江官兵敗之不  
克渡

有虎自福州走延平尤溪沙縣啞人無數

九月朔賜申時行金五十斗牛衣一襲以閔壽宮也

庚辰犯山海關

壬午雲南道試御史羊可立言張居正占故蓮邸田土下撫  
按按之

戶科都給事中蕭孝等言京運則例歲帶徵二分見年完  
分即免終罰今部覆浙江巡撫張佳胤所請有司若於降罰  
百姓苦於誅求勢不能取盈將上下相蒙矣上命如近例  
行

癸未浙江左布政使舒應龍為太僕寺卿

復陝西督糧左叅政一平涼監收通判同州判官各一  
追論劉臺獄前左都御史王宗載戍邊推官陳紳國子博士  
劉伯潮削籍前巡按遼東于應昌分守叅政張崇功副使周  
于德調用謝燿論死

甲申 工同兩宮謁陵宿華華城

乙酉早發午御感恩殿勞京軍防戍人各三錢

丙戌祭長陵永陵昭陵餘遣代

丁亥 上閱形龍大峪諸山諭羣臣以大峪吉初梁子琦謂

係先帝陵麓勢斜而走力爭其不可禮部尚書徐學謨以

繕不背上意所向即為吉宅何必改作申時行主其議朝臣

翕附吏科都給事中齊世臣夜讀雪心賦備廷辨御史柯挺

跪 上前大言曰若大峪穴下有石臣敢以身當之時稱世

臣保山挺為石敢當云

戊子幸東山傳問閣臣東山口邊墻何未築也對以工部尚

書楊兆謂此口通黃花鎮自有邊墻山口敵臺可守故不多

及

免昌平宛平大興田租

已丑 上還宮

甲午御皇極門受賀

談遷曰余聞之嘉善錢相國曰天啟中尚書姚思仁脩定陵運出朽石無筭地氣濕惡不四十年敗腐如此前議聚訟以吳縣遂結舉朝之舌寢而柱維傾裂矣目擊近變能無罪地脉乎

叙河工工部郎中張譽為太僕寺少卿添註

復南京中左二都督僉書

賑長沙饑

前大理寺丞賀一桂削籍故巡按江西陳世賢追奪告身以

陷劉臺一桂嘗嗾陳紳購其怨家謝耀也

乙未壽宮恩蔭張四維國子生進申時行少傳兼太子太傳

吏部尚書建極殿大學士余有丁少保兼太子太保部尚書武英殿大

學士許國太子太保兼文淵閣大學士

進定國公徐文壁少保兼太子太保彰武伯楊炳太子太傅

禮部尚書徐學謨工部尚書楊兆各太子少保餘陞級有差

太監張宏蔭錦衣千戶

丙申禮部右侍郎高啟愚為左侍郎左春坊左庶子朱膺為

禮部右侍郎並仍兼翰林院侍讀學士直經筵直講  
刑部左侍郎熊汝達為右都御史

復巡閱御史一

停監生援納先入皆者授光祿寺監事

丁酉總督周詠削籍以勘劉臺賍誣捏也

前吏部左侍郎王篆削籍工科給事中王三錡劾其引黨王

宗載等陷害忠良也

己亥南京工科給事中馮景隆等論李成梁冒功宜奪封兵

部覆李成梁臨陣斬首五百六十級何可偽也遂請景隆薊

州判官吏科給事中鄒元標疏救不聽

庚子協督京營戎政兵部尚書張佳胤兼右副都御史總督

薊遼

右春坊右庶子兼翰林院侍讀王家屏侍讀徐顯卿主武試

壬寅右春坊右庶子兼翰林院侍讀王家屏為詹事府少詹

事兼侍讀學士署翰林院

南京戶部尚書劉思問致仕

癸卯左副都御史陰武卿為兵部右侍郎南京大理寺卿舒

化為刑部右侍郎



復淮安府治河同知

東西二丁犯前屯衛

乙巳總督宣大兵部尚書鄭洛協理京營戎政巡撫四川右  
僉都御史孫光裕為南京大理寺卿時上詰閣臣曰洛在  
塞上甚善何京營為光裕任淺何驟也申時行曰洛鎮邊九  
年光裕先撫應天三年蜀一年資俸宜及上然之諭今後  
惟其人不可資俸

丁未復寧夏屯田都司一

戊申江南副總兵張漢為署都督僉事鎮守貴州兼提督清

平等衛總兵官

十月丙朔太子少保禮部尚書徐學謨罷吏科給事中鄒元標

劾之并及南京戶部尚書張士佩云士佩去年一撫臣耳未

幾更侍未幾尚書於是命士佩以吏部左侍郎致仕

庚戌南京兵部右侍郎辛應乾為兵部左侍郎協理京營戎

政光祿寺卿維遵為右僉都御史巡撫四川

御史孫繼先曾乾亨各劾兵部尚書張學顏撫遠時嫉巡按

劉臺誣揭其贖送張居正營入本兵右李成梁而左言官

上以黨馮景隆各請外

辛亥右春坊右諭德兼翰林院侍講署司經局事沈一貫為  
左春坊左庶子司經局洗馬署國子司業范應期為右春坊  
右庶子並兼侍讀侍講于慎行為左諭德仍兼侍講  
命武舉額百人

癸丑前工部右侍郎陸光祖為南京兵部右侍郎通政司左  
通政丘橈為左副都御史南京光祿寺卿沈人种為光祿寺  
卿

甲寅浙江按察兵備副使顧養謙調薊州兵備道  
乙卯西「哈不慎北「大委王等大舉寇前屯至山海關中

前所高嶺驛薊遼二鎮兵卻之

戊午許士魯番速壇馬黑麻虎答邁還明年入貢

壬申南京戶部右侍郎王緝被劾閑住

科道各舉邊才章下吏部

甲戌總督陝西三邊兵部尚書兼右副都御史石茂華卒茂

華字君采益都人嘉靖甲辰進士弱冠知濬縣進戶部主事

忤仇鸞有聲出知揚州禦倭遷山西按察副使憂去壬戌補

河南甲子遷陝西叅政丙寅進按察使再閱月拜右僉都御

史巡撫甘肅改山西卒未入為兵部左右侍郎癸酉進右都

御史兼兵部左侍郎總督陝西三邊靖逆羗堅貢市進兵部尚書亡何改南京右都御史論去癸未仍督三邊砥節礪行精勞嘔血年六十二贈太子少保護恭襄予祭塋

乙亥忻城伯趙參脩為南京左軍都督府僉書安遠侯柳震為南京中軍都督府僉書

賑湖廣寧鄉等二十七州縣

丁丑太子賓客吏部左侍郎兼翰林院侍讀學士署庶事府事陳經邦為禮部尚書吏部右侍郎沈鯉為左侍郎直經筵日講

南京兵部右侍郎陸光祖為吏部右侍郎

戊寅楊文舉張希臯伍可受孫世楨為給事中可受世楨並

南京張文耀譚耀楊東野陳過文張允文徐申李植葉承過

王制藩維岳為試監察御史維岳南京

巡撫廣西右僉都御史劉良弼致仕

十月己卯朔午刻日食

總督倉場右都御史兼戶部右侍郎魏學曾為南京戶部尚

書

辛巳南京右通政喬因臯以禮科陳燁論其提學浙江時沙

汰過嚴得太常少卿也遂調外

壬午禮部左侍郎周子義改吏部署詹事府事仍教習庶吉

士

癸未復劉世延誠意伯南京都督府帶俸

錄國初花雲子孫兵科給事中王亮言劉基花雲功也

甲申南京右都御史熊汝達以戶科給事中徐三畏論其督

昭陵工損陷命閑住

免延綏綏德榆林三衛屯租五萬四千七百三十八石

總督宣大兵部尚書鄭洛工七事審夷情議貢市明撫賞計

士馬厲征操裁猾酋治叛夷哈不處夷犯慎招納酌工役章

下所司

戊子陝西道御史楊四知上成祖仁宗宣宗三朝聖諭錄

孝宗燕對錄李時世果召對錄命留覽

己丑懷仁王府奉國將軍聰潘等六人年皆六十餘請闕訴

自嘉靖四十年後未支祿救死無策上閱之命即補給

庚寅北順義王黃台吉表貢馬

總督王象乾請勅屬夷長昂等許之

辛卯右通政司右叅議梁子琦降右叅政閑住

壬辰南京鴻臚寺卿方九功為南京右通政

禮科給事中王士性劾應天巡撫郭思極先御史時監楚試

私張懋脩又斃何心隱吏部覆巡撫有善政 上不問

安定德勝門外訛言避

癸巳戶部右侍郎王廷瞻為左侍郎總督倉場保定巡撫右

僉都御史宋纁為南京戶部右侍郎總督糧儲應天府尹吳

善為右副都御史巡撫廣西

順天巡撫右僉都御史翟繡裳論免

丁酉兵科給事中黃道瞻請罷張學顏及廣西總兵戚繼光

胡守仁宜互易李成梁父子不宜各鎮重地 上以輕安謫

之

南京陝西道御史孟一脈上六事曰保聖躬言御用宮女急

于選取非節宣之道曰正人心言士重始進宜勅各提學先

品格而後才華曰厚生育令牧民官悉心撫字使不涿移以

墾田多寡為殿最曰禁淫巧言浮梁之磁珠翠之寶龍床之

設寶頂之增造元宵燈端陽五毒吉服等物華靡一起則儆

效莫止曰整戍兵 上以兩宮織造孟一脈輕瀆調外今後

言官建白毋浮詞據拾舊事賣直沽名

己亥夜涿星色赤自胃宿西南行有聲如雷二小星隨之  
辛丑總督兩廣右都御史兼兵部右侍郎郭應聘為南京右  
都御史撫治鄖陽右副都御史張國彥為整飭薊鎮邊備兼  
巡撫順天大理寺左少卿李己為右僉都御史巡撫保定  
開原叅將李如楠免初屬夷宰賽挾賞殺備禦熊鑰革其賞  
已復之昨秋 月以六百餘騎掠慶雲堡

壬寅諭兵部以緬甸賊熾命沐昌祚劉世曾僉力為戰守計  
初莽應禮架藤橋渡江屯猛皮嶺直入攀枝花樹鄧子龍伏  
兵迎之間遣人繞賊後焚橋斷歸路邀斬頭目二十餘賊敗

走踰甸罕度詐降佯許之已擁衆屯溫盧巡撫劉世曾黔國  
公沐昌祚移鎮大理令右布政使徐元氣駐永昌督餉巡按  
御史崔廷試監軍我兵突闕下擒罕度及其弟罕招對招託  
賊遁追至灣甸俘斬五百餘并擒罕度子招罕招色等岳鳳  
勢蹙併遣妻子來獻所掠金牌勅書世曾意其詐謂故維摩  
知州何鈺與鳳善令往說之命劉綬潛進麓川伺隙又別招  
孟密絕其寄徑鈺說鳳禍福復遣妻刁氏幼子曩歇來而綬  
襲隴川之寨鳳遂降因盡下諸夷  
廣東左布政使王元敬為應天府尹福建按察僉事趙參魯

為光祿寺少卿

甲辰前總督陝西三邊軍務右都御史兼兵部左侍郎部光

先仍總督陝西刑部左侍郎吳文華為右都御史兼兵部右

侍郎總督兩廣兼巡撫廣東南京太僕寺卿毛綱為右副都

御史撫治鄖陽

乙巳晉府方山王府輔國中尉慎鏡擅婚奪祿三之一離婚

另選

丁未提督四夷館太常寺少卿蕭崇業為太僕寺卿

戊申復大同威遠叅將

十 丁巳酉朔

上偶疾免朝講數日

徵太倉十萬金光祿寺五萬金閣臣言之不聽專徵光祿寺

十萬

總督漕運巡撫廬鳳戶部右侍郎兼右僉都御史傅希摯回

部

暹加奴仰加奴糾大去攻猛骨字羅謀犯開原遠瀋傷備

禦霍九臯甯振武李成梁擊斬二奴共斬三百十一級李成

梁聞敵馳新寨又伏兵塞上邀斬一千二百五十餘級獲馬

千七十二匹餘畜產器甲亡筭

庚戌巡撫山東右僉都御史陸樹德致仕

癸丑前巡撫浙江右副都御史李世達總督漕運兼巡撫鳳

陽太常寺卿李輔為右副都御史巡撫山東

丙番以七千餘人自八盤嶺入黃羊川通行火落赤阿赤免

等又率兵迎佛於此巡按以聞

乙卯禮科都給事中萬象春言往河南山西陝西各藩會議

大約願以見祿通用日後子孫不論衆寡取給馬禮部言議

止河南山陝其山東湖廣江西廣西四川尚未議仍趣各撫

按題奏

脩山海關城

兵科都給事中張鼎思等言莽應禮父子蠶食土夷諸土司

為彼嚮導守臣養寇遣使偵探附以重幣是我先求於賊也

竹葉書中原無頓首之文而遽議行賞竟為所卻而又詭稱

獻物欺罔何辭初雲南巡撫饒仁侃巡按劉維檄招莽瑞體

令騰越州官往兵備副使胡心得恐出木邦罕拔詐計乃密

遣通事募小坑等五人携幣帛鞍馬入緬甸偵之為罕拔道

執拔遂以人文逆之探書小坑等至即罄所携物自餽瑞體

得遣歸附以瓊段錦布語狂悖在竹葉書中無降意求貢之



文自至各請易置宣撫窺騰越之文繼之矣鼎思疎工劉維  
胡心得削籍巡撫饒仁侃冠帶閑任黔國公沐昌祚策勵自  
庚午夜慈寧宮火

陝西道御史楊四知言足民莫若勸農宜禁屠牛章下都察  
院都人多宰牛為業聚闕不果行

賑高水等州縣饑

辛未前國子祭酒姜寶為太常寺少卿提督四夷館

南京兵部尚書劉克誨致仕

予故通政使吳三樂祭墓

建丹徒大犢山丹陽黃泥壩二閘

壬申賜樂安王多燼書院曰樂文

癸酉南京禮部尚書楊成致仕

甲戌諭內閣贈李偉國公申時行言世宗皇帝釐正封典

未有贈公者若聖意從厚宜加贈太傅不聽贈安國公謚莊

簡祭十六壇加六壇

前禮部右侍郎署國子祭酒孫應鳌為刑部右侍郎應天府

尹王元敬為右副都御史巡撫應天

丙子秦王誼諡言臣祖宣王第四子輔國中尉敬鮑并父靖

王兩弟奉國中尉誼沒誼澍乞各封郡王靖王女封郡主部  
覆違例不許

後軍都督府僉書都督僉事王化熙為總兵官鎮守浙江  
盡蠲陝西臨沅鞏昌延安八年九年帶徵銀

是月西十餘萬犯連東入十方寺堡六日始出官軍擊斬  
四十八級

甲申萬曆十二年

正月庚辰禁諸宗室陳乞

蠲淮揚八年以上牲口銀

辛巳諭百官脩省前慈寧宮火也

御史丁此呂言五事慎舉動弘聽納正典刑去倖位訓近侍

內言宜撤鰲山之燈止壽宮之閱停菟器之製節織造之工

錄建言貶竄諸臣如趙用賢等誅朋奸游七徐爵等上謂

馮保事已處分餘下所司

內監傳元夕兩宮鰲山燈禮科給事中王士性言災異不宜

復恣燕樂上納之

前太常寺卿少陳謨御史曾士楚削籍浙江道御史張文

耀論其保留也

前禮部尚書萬士和為南京禮部尚書不赴

乙酉南京右都御史郭應聘為南京兵部尚書前應天府尹

王世貞為應天府尹

己丑復湖廣總兵官

兩廣總督右都御史郭應聘以安南與下甯歸順等州峒地

界乞遣官會勘或歸安南或立石分界庶杜爭端從之

雲南府地震

丙申上偶不豫

先是西<sub>一</sub>着力兔等糾海西<sub>一</sub>以一千騎掠西寧番族突入

邊殺掠下西寧參將王國柱於臺訊兵備副使張登雲奪俸

太僕寺卿舒應龍為南京禮部右侍郎

議復漢陽南陽漢中等道

許安南都統使莫茂洽入貢

辛丑免江西四司料價及黃白麻魚課等十之三

錄遼東功進張佳胤太子少保廕錦衣衛百戶李松兵部右

侍郎兼右僉都御史廕錦衣衛百戶

甲辰詹事府少詹事兼翰林院侍讀學士王家屏教習庶吉

士

武定侯郭大誠署前軍都督府事

吏科給事中鄒元標降南京刑部照磨初慈寧宮火元標言  
六事保聖躬 開言路諭百官節財用拔幽滯 上責

其狂遂被謫蓋申時行脩徐學謨之劾也

湖廣道御史范雋劾籍儒上十事奉天道防人欲信詔令定  
章奏廣儉德專事權惜人才養士氣斥巧宦清武職其奉天  
道略曰春秋春王正月之文一念一事稍不正即無以合天  
心而順天則故講正學近正論習正事始仰答天心其防人

欲曰禹惡旨酒湯不邇色豈好惡與人殊哉深見夫縱欲之  
害不得不遠絕之耳 上讀之遂削籍

范應期為國子祭酒

乙巳喜峰路大風雨

順天府丞袁三接為太僕寺卿

左副都御史丘楫上言積弊曰考績曰請託曰訪察曰舉劾  
曰提問曰資格曰處佐貳教職曰餽遺 上命即行之

前都察院檢校洪競訟父朝選之寃

二月雨無逸殿災

兵部覆勅雲南莽應禮功官兵擒斬二百餘級巡撫劉世魯  
進右副都御史沐昌祚等陞賞有差

左春坊左庶子兼翰林院侍讀沈一貫為庶府事少詹事兼  
翰林院侍讀學士署院事翰林院侍讀學士徐顯卿為左春  
坊左諭德兼侍讀學士署坊事右春坊右中允署國子司業  
張位為司經局洗馬兼翰林院脩撰署坊事侍讀韓世能張  
一桂李長春並為右諭德兼侍講脩撰陳于陞為洗馬兼脩  
撰

泰寧侯陳良弼為左軍都督府僉書

辛亥薊鎮墻子嶺路大風雪旗端有火光

癸丑王弘誨王世貞孫光祐為南京吏刑工部右侍郎

復福建龍溪縣孔子家廟

甲寅總督宣大鄭洛陳天下大計章下所司

議設真定車營

丙辰諭脩慈寧宮

吳中行為司經局洗馬署國子司業經筵日講如故

甘肅巡撫右僉都御史董克封議聽民墾荒永不起科部覆

從之

丁巳三鎮互市成進張學顏太子少保

辛酉南京工部右侍郎孫光祐論罷

河南道御史王光儀論江西巡撫曹大楚諫垣時首附張居

正劾高拱去之未幾轉大楚僉楚尋尚寶太僕尋撫江西結

原任雲南副使朱璉父馮保兄游七縉紳所不齒有旨大楚

冠帶閑任朱璉削籍

脩孝陵成

壬戌故吏部尚書李默謚文懿

秦府儀賓周琰訐奏秦王誼淫淫惡章下都察院

予故工部尚書李幼滋祭葬

張孟男為大理寺卿黃鳳翔為南京國子祭酒

甲子神史王國薦侍郎王一鸚等邊才宜備任使又尚書陸

樹聲侍郎胡執禮巡撫耿定向海瑞按察使胡直苑馬寺卿

顏鯨吏部主事魏允貞宜擢用章下吏部

陝西莊浪番人馮爾等八族因一酋仇殺求內附納馬易茶

許之

乙丑予故戶部右侍郎黃養蒙祭葬

顧章志為應天府尹姜寶為南京太常寺卿

丙寅議侵欺錢糧酌邊腹及贖多寡論罪  
丁卯京師地震有聲

山西道試御史李載陽論南京尚寶司卿林應訓原任南京  
御史媚張居正等通賂命削籍

戊辰馬文輝為右僉都御史巡撫江西

王友賢為南京工部右侍郎賈待問為南京光祿寺卿

己巳廣東道御史屠叔方言革除殉難諸臣實我太祖所

培養蒙皇上恤錄久矣但褒表忠魂尚屬未盡其交游姻

黨至今遠戍恐九重之恩一日未推則諸臣之目一日未瞑

也果臣言不謬乞該部通行省直今有司軍衛備查外親在

戍者並宥還鄉願留者聽之如絕戶除其籍不得永累里長

上從之除齊泰黃子澄外其方孝孺等所株累覈免

免浙江所負馬站銀米

庚午南京廣西道御史沈汝梁議災民有田者免稅糧無田

者免丁口鹽鈔庶貧富均沾報聞

辛未太常寺少卿秦耀提督四夷館

于嵩為署都督僉事總兵官鎮守福建

壬申國子祭酒范應期以御史徐紳劾之問所薦者申時行

踪其繇命致仕

鑄荊州府撫夷同知關防

癸酉新會王睦樞以貪暴廢為庶人幽高墻初遣給事中萬

象春行諸王府限制贍貧宗睦樞曰是齊泰復出矣聚盟宗

室千餘人群擊睦樞曰皆爾之謀上書抗詔故罪之

余懋學為南京尚寶司卿

丁丑周邦傑孫鑛為太僕寺太常寺少卿

三朝寅朔賜益王珣鈔書院曰遜學

刑科給事中田疇言急務四事慎內批酌律例省詔獄清厥

衛內摘張居正事 上謂不合奪俸五月

四川永寧宣撫司子奢崇周受印俟年長襲職川貴巡撫孫

光祐劉庠以奢世統世續二婦爭印仇殺也

已卯尚寶司少卿韓必顯為順天府丞

諭濟邊銀不得那借

辛巳鞏昌府地震

裁潮州守備復設叅將

癸未禮科都給事中萬象春請如先朝例甲科任鴻臚寺卿

不許



甲申兵部左侍郎辛自脩左僉都御史石星清理軍職貼黃  
孫應鳌為南京工部尚書胡執禮為兵部左侍郎署南京右  
侍郎事張位為國子祭酒

兵科給事中張維新言工部右侍郎劉志伊在楚關中張懋  
脩難膺大任遂劾免

乙酉禮科給事中苗朝陽言四事驅伏奸清輸納申驛禁禁  
刁風上然之

丙戌南京國子司業趙志臯為南京右春坊右諭德署翰林  
院事

前太常寺少卿何源復任

戊子英梃嗣江夏王

己丑先是雲南耿馬賊罕虔魁姚閔黎將鄧子龍擒之共擒

八十二人斬二百九十六人命誅罕虔孟養孟昂木邦三司

俱降附

庚寅前工部尚書曾省吾浙江按察僉事曹一夔削籍以工

科給事中唐克欽論省吾同王篆媚張居正而曹一夔藉省吾

結馮保巡鹽長蘆送保不下萬金往四川魏徐爵千金言之

實污齒頰

戶部請丈田後豁免虛糧除民累從之

辛卯左副都御史丘楫為刑部右侍郎大理寺卿褚鈇為工

部右侍郎

壬辰貴州有黑物翔於雲中

癸巳左副都御史丘楫請廣搜屈抑之士如給事中魏時亮

周世選御史張檀李復聘吏部郎中胡汝桂又均處邪媚之

臣王宗載于應昌同階劉堇而宗載成應昌止免官勞堪階

洪朝選亦止免官張一鯤錢岱監試中王篆子猶班班行何

耶工納之命勞堪不必勘與一鯤岱並削籍

予故南京光祿寺卿鄭欽祭墓

南京浙江道試監察御史李一陽言南京工部尚書劉一儒

與張居正兒女姻也高蹈遠引家食十餘年起轉今官引疾

乞休澹然不淄安可聽其求退又論南京光祿少卿王蔚傳

作舟先任南給事中黨勢附戚乞斥為氓為黨惡之戒從之

乙未左僉都御史石星為左副都御史太常寺卿純溫為大

理寺卿

丙申南京工部尚書孫應鰲右侍郎胡執禮俱劾罷

戊戌山東道御史丁此呂追論張嗣修敬脩懋脩王之鼎科

場丙子房考今兵部員外郎稽應科主試許國庶辰懋脩房  
考今山東提學陸檄敬脩房考今河南參政戴光啟主試申  
時行余有丁而侍郎何洛文代嗣脩懋脩對策壬午王之鼎  
主孝沈懋學又已郊南闈試目舜亦以命高此居正逆萌也  
時行等各踈辨命罷何洛文調秘應科 陸檄別用留沈  
懋學戴光啟吏部尚書楊巍馭此呂深文陷人大辟如先朝

趙文華王聯也

上怒謫此呂

已亥諭內閣朕於天下事不可盡知嘗欲咨訪若各項事體  
不與聞設內閣何為時御史張文熙劾閣臣於是申時行等

言 祖宗舊制各衙門每月閱領內府精微文簿開寫事件

月終繳內閣年終送六科此二百年例也今考成文簿與精  
微文簿相同但詳略稍異耳若諸司之事全不與聞即 皇

上有問臣等馮何奏對又謂吏兵二部陞除不當一二取裁  
各督撫巡按不當密謁請教夫閣臣以平章政事為職而用  
人為政事之大權故文官自京堂武臣自叅將以上與臣商  
量但當問公私不當問知否也 上報曰朕方委卿等大政  
各衙門事豈得不預聞乎時行等各踈謝  
商為正曹一夔以南京山西道御史田一麟論其奔走故相

之門一獲削籍免為正

命棋盤屏風減半燒造從工科都給事中王敬民之請

沈人种為太常寺卿

前巡撫福建右僉都御史耿定向為左僉都御史

命南京正額防軍舍餘各回營操練毋仍前占役

庚子初鑄騰黃清軍主事閔防

五軍營右副將都督僉事楊鯉為南京左軍都督府僉書

賈三近仍為光祿寺卿

辛丑御史荊州土上吏治六事守令

當嚴有司實政當

崇刑罰閔繫當重科派里甲省當差遣人役當禁吏治諂諛

當杜上允行之

許翊鋸嗣江寧王

壬寅宥革除株戍烟黨除伍一千七百六十二人

陝西會寧縣地震

甲辰前左都御史陳玠卒玠字

乙巳陝西道御史馬朝陽言二事慎起居以圖實效省苛察

以培大體從之  
丙午太常寺少卿何源為大理寺少卿

逮臨江知府錢若膺以巡按御史韓國楨劾其杖斃二百人  
也

是春長禿長昂董狐狸犯遼東三山營備禦祖承訓擊斬  
二級已伏太康堡大定堡皆塞外沙地總兵李成梁追斬百  
三十五級所殺皆兀魯孩子部曲

瞿九思曰三衛反覆禍由長董豈其然乎界嶺之戰狐狸  
身被金瘡山海之創於死塞 狸能不及長昂遠矣長禿

獄月餘自我釋之而旋盟叛市何益哉善哉影克之請  
兀魯夷中華士也前車覆後車戒萬不當一答萬盟不  
一守後有議市塞吏堅塞兩耳可也

四月未朔 上享太廟京師風霾

戊申先是禮科給事中王士性御史江東之李植楊四知各  
劾各部尚書楊巍附閣臣申時行排丁此呂諱馮景隆孫繼  
先曾乾亨等阻塞言路且時行實黨張居正 上不聽傳諭  
時行盡心贊理放高啟愚留此呂獨未及巍於是大學士余  
有丁許國為楊巍解 上諭時行即出

以培大體從之  
丙午太常寺少卿何源為大理寺少卿

逮臨江知府錢若膺以巡按御史韓國楨劾其杖斃二百人  
也

是春長禿長昂董狐狸犯遼東三山營備禦祖承訓擊斬

張景賢職之  
二及已伏太康堡大定堡皆塞外沙地總兵李成梁追斬百

所殺皆兀魯孩子部曲

瞿九思曰三衛反覆禍由長董豈其然乎界嶺之戰狐狸  
身被金瘡山海之創於死塞  
狸能不及長昂遠矣長禿

獄月餘自我釋之而旋盟旋叛市何益哉善哉影克之請

兀魯夷中華士也前車覆後車戒萬不當一答萬盟不  
一守後有議市塞吏堅塞兩耳可也

四丁未朔上享太廟京師風霾

戊申先是禮科給事中王士性御史江東之李植楊四知各

劾各部尚書楊巍附閣臣申時行排丁此呂諱馮景隆孫繼

先曾乾亨等阻塞言路且時行實黨張居正上不聽傳諭

時行盡心贊理放高啟愚留此呂獨未及巍於是大學士余

有丁許國為楊巍解上諭時行即出

戊申南京通政司右叅議陳瓚為太常寺少卿

己酉禮部右侍郎高啟愚削籍已南京吏科給事中劉一相  
劾其附王篆遂焚啟愚告身初。上自號禹齋啟愚王南園  
別張居正其堂懸舜禹授受圖故試目舜亦以命禹時論遂  
懸坐大逆矣

大學士申時行許國並乞休命慰留楊巍又乞休不允

談遷曰言路擊奸自其職而少年銳進負氣褊激必可石  
自己出於是磯怒不休矣吳縣當物議沸塘之時未能虛  
受角袒相攻於今而始至九卿臺省交口保留天子甚

明聖何藉群策此風倡於華亭繼於江陵前未之覩也

庚戌京師風霾大雨雹

辛亥諭留申時行許國各疏謝吏科都給事中齊世臣請留  
閣部從之前爭壽宮世臣疏保大峪山吉至是保閣臣時稱  
齊保保

左都御史趙錦請優慰大臣申飭言官吏部左右侍郎沈鯉  
陸光祖戶部尚書王遴太子太保工部尚書楊兆左右侍郎  
褚鈇何起鳴刑部尚書潘季馴左侍郎舒化大理寺卿溫純  
兵科給事中張維新山東道御史劉懷恕各奏留閣部摘王

士性等朝端聚訟群請大瑞張宏張鯨等求授申時行楊巍  
雖安其席大柄旁落矣

詔曰大臣為群僚表率且人品邪正論定已久何可輒指正  
為邪極言誣詆卿等其冒論諸臣共持公論毋再瀆擾朕  
優重大臣之體楊巍陸光祖各乞休不允

壬子豁山西陝西新墾荒田起租者

甲寅戶部尚書王遴乞休不許

乙卯初鑄清理貼黃關防

副總兵陳文治 李尚賢據辨論死

己未吏部右侍郎陸光祖欲都察院甄別江東之楊四知李

植王士性去留以安閣部御史李廷彥疏駁之御史沈時叙

言欲留楊巍必先復丁此呂 上不聽

庚申御馬監奏取驕馬三千匹兵部言會典載豹馬五十匹

並無此例 上不聽

辛酉夜月食

壬戌申飭撫按官懲私揭

癸亥釋輕繫

予故南京刑部尚書徐陟祭葬



國子司業吳中行言輔臣敗歷有年其人之邪正豈能逃聖  
鑒哉或因事乞歸或被言<sup>殺</sup>劾去留聽之朝廷何年來輔臣辭  
位必群起而留之頌功贊德累牘連章其心何心哉保留故  
相之遺風何至今在也申時行迹涉獻諛似非臣義丁此呂  
未蒙聖怒止令分別被論之人忽叅斥以成 皇上之過大  
臣多私而不忠 上切責之

乙丑申時行以御史張文熙摘其次子用嘉偉中求覆試  
上謂其非私不許 已覆試陳玠子以德朱璉子 朱除  
名以德戎成成進士

壬申內承運庫行戶部徵零陵香千斤戶部言此香停矣如  
果不可已耳半之不允

廣東道御史連格議卹邊民乞減常賦十之二三戶部請分  
別量減從之

癸酉起魏時亮南京大理寺右寺丞

朱廢王家屏為禮部左右侍郎

甲戌 寇錦義官軍禦之斬百三十餘級

乙亥莽應禮攻隔阿瓦殺孟察宣慰司思忠進至猛外把總  
范斌等敗之尋抵蠻莫又敗於把總楊任

貴陽李生匾堂

五朔子朔雲南道御史黃師顏請復丁此呂官直隸巡按御史蔡時鼎亦言之未侵楊魏忤旨並報罷

丁丑李文全嗣武清伯御史房寰等言世宗定外戚爵及其身子孫不得襲今文全授洪熙以後例非制也吏科都給事中齊世臣言如之並不聽命襲一革不為例吏科給事中楊文舉又言之奪俸已禮科李以謙工科姚德重疏救不報已卯前按察使賀邦泰削籍以中張居正子也復湖廣屯鹽道副使

庚辰南京禮部郎中習孔教為南京國子司業

辛巳先是太和山守備太監田玉請獨治山毋預分守道命改分守道勅兵科給事中王三餘等爭之不聽至是左都御史趙錦言太和山止一山幅員八百餘里實界三省間分守叅政不得恊行則撫治都御史亦難究詰不幸有劉千斤曹崙等出將責之內臣守抑責之分守撫治等官乎不報壬午許真人張國祥三年一覲禮科都給事中萬象春等言左道不當入覲不聽

南京刑部右侍郎王世貞予告

甲申作潞王府於衛輝初閣部擬衛州而衛輝次之命就衛州已潞王奏求近地從之

刑部廣西司主事董基請停內操本月五日傳 皇上幸西城開營較射夫兵凶器也內廷清嚴無故聚三千之衆臣所未解也宜杜意外之變養安靜之福止群小之怨省不經之費忤旨謫萬全都指揮司都事

丙戌少詹事沈一貫教習庶吉士

初温州知府李際寅墨敗擬成都察院謂犯在赦前宜宥而因公科歛宜徒命削其籍於是刑部議贖五百金以上依枉

法律遣戍若因公科歛准徒 上從之

丁亥命禮部凡各省直鄉試硃卷悉送內簾其墨卷貯外簾以杜私弊

戊子御史劉士忠乞停內操宥董基章下所司

己丑兵科給事中張維新請擢鄒元標宥董基命奪俸半年

甲午京師地震有聲

吏部尚書楊巍乞休不允

丙申南京雲南道御史郭宗賢上四事無名實嚴公私酌用舍審進退其酌用舍曰舍固貴得其用尤不可不慎近來

薦賢固多或以他事得罪本宜擯斥而一概薦起是尺耳尋  
枉亦得躡用也 上是之

戊戌前右僉都御史趙鏜卒

己亥雲南猛密安撫司與莽應禮戰敗命鎮巡官協討

立勲賢祠祀故新建伯王守仁於杭州巡撫蕭廩請之也

辛丑靖州守備周弘謨乘夜襲叛苗全道等斬四十四人

壬寅准各部縣糧米暫改折於臨清德州二倉撥補

癸卯逮荊州知府郝如松以太監張誠奏張居正子禮部主

事敬脩自經也時詔使拷掠長子懋脩自誣寄會省吾王篆

傳作舟高志進諸冢凡三十餘萬各追併有差已荊州知府

趙賢岳州知府李時漸以屋直佑輕並罷

刑部尚書潘季馴乞張居正冢暫行保放吏部尚書楊巍等

亦言之有旨令撫按申飭保全申時行等言張居正苛刻專

擅自干憲典其八旬老母衣食不周子孫死亡相繼聖心必

有惻然不忍者乞保全其母寬其子孫若攀連受害之家威

刑妄招展轉搜索則地方騷擾矣有旨以空宅一區田十頃

給其母

于慎行曰唐德宗既貶賈叅欲籍其冢陸贄諫曰在法反

逆者盡沒其財賄汚止微所犯德宗不聽竟賜參死而籍沒其家蓋籍沒一法因種族其家然後奴婢貨財皆為官有若其罪未至族則家固亡恙從而籍之不相中矣江陵之事在廷諸臣無引贊語以進者政刑一失其可收乎哉談遷曰江陵柄國功十而罪一身沒之日怨口方注猶曰權相之常自丁此呂誣以謀逆禍同赤族更激於連邸之事始籍其產謂董氏之郿塢元載之胡椒不是過也諸子繫囚閹門刑辱而貨不貲十萬至深毒三楚蔓延數年以分宜之報概於江陵吾知江陵之目不瞑也吳縣因江陵

起家晚加濫罰所謂樹荆棘者蒙其刺耶

甲辰衡府高唐王厚煥曰瑞裕益府阜平王載堦曰懿簡舒城王翊銀曰懷莊。都勻大水

六丙午朔復廣東糧儲道叅議及廣州府清軍同知

命工部主事王紹先太監崔卿作潞王府

丁未免廣東順德等逋賦二萬一千七百七十餘金

四川巡撫右僉都御史維遵奏採木之若章下所司

夜有異星出房宿

庚戌南京刑部尚書孫植改南京工部總督漕運右副都御

史李世達為南京兵部右侍郎南京太常寺卿姜寶為南京刑部右侍郎

禮科都給事中萬象春請慎選王官破格遷擢庶親藩輔導不致失人命下禮部

辛亥以雲南用兵免田租及一切逋負

壬子故遠王憲櫛子術璽奏逆囚楊秀階王命下張誠等訊

前貴州巡撫曾同亨為太常寺卿

癸丑南京工部右侍郎王友賢改北工部右侍郎總督王廷瞻為右都御史總督漕運

丁卯禮部定卹典事且命纂入會典

己巳免延安慶陽逋賦

庚午浙江巡撫右副都御史蕭廩為南京工部右侍郎南京總督糧儲戶部右侍郎宋纁為戶部右侍郎

南京御史郭惟賢落職以諫內操救董基也

禮科都給事中萬象春請慎齋居重祀典暫離深宮之燕閑從事大廷之嚴肅忤旨奪俸三月

壬申河南巡撫右副都御史楊一魁為南京戶部右侍郎總督糧儲大理寺卿溫純為兵部右侍郎兼右僉都御史巡撫

浙江南京右都御史袁洪愈為南京禮部尚書  
癸酉南京福建道試御史譚希思言朝廷之上有大不可者  
三復李文全伯爵是更戚畹之制用內臣提督太和山是改  
設官守土之制選兵內操是變環衛防禦之制 陛下獨不  
念 祖宗防微之意乎 上大怒下南京都察院究之  
甲戌吏科都給事中齊世臣等請留許國 上然之溫旨慰  
留

七月 丑諭肅朝儀

戊寅武安侯鄭惟忠署前軍都督府事

前太子太保工部尚書朱衡卒衡字士南萬安人嘉靖壬辰  
進士知左溪婺源進刑部主事歷郎中改禮部擢福建提學  
副使久之遷四川叅政憂去起補河南遷山東按察使己未  
歷左右布政使庚申拜右副都御史巡撫山東入工部右侍  
郎董工西內 上偉其貌壬戌改吏部己丑進南京刑部尚  
書以河決改工部尚書兼右副都御史總理河漕開昭陽新  
渠 穆宗加太子少保己回部會徐邳河決兼右都御史經  
理事竣回部甲戌被劾去加太子太保年七十三予祭葬  
浙江颶風潮溢

予故刑部右侍郎鄭世威祭葬謚恭介世威字中孚長樂人  
嘉靖己丑進士自刑曹出江西按察僉事不為嚴氏夏氏屈  
轉湖廣叅議劾罷教授生徒躬耕自給嚴嵩敗起南京右通  
政擢左副都御史改刑部右侍郎以諫採珠不報乞歸郡邑  
監司不識其面布褐三十年如一日

己卯傳聞張居正家自縊二人何云饑死十餘人也閣臣言  
湖廣奏事人輕口前諸臣遽入奏誠無所逃罪工令詰其  
實工科給事中楊鍊陽言臣竇跡中風聞所誤奪歲俸  
南京太僕寺卿曾同亨為大理寺卿順天府尹臧惟一為右

副都御史巡撫河南

貴州提學副使馮時可致仕

京城多劫盜

刑兵部邦政條例

巡按御史蘓鄧言邊地水利可興工部覆行之

庚辰雲南道御史黃師顏請故祭酒蔡清布衣胡居仁陳真  
晟從祀孔廟下所司

辛巳沈思孝為光祿寺卿方九功為南京太常寺卿  
河工成



甲申工部請減織造議工費從之

乙酉浙江布政使徐元泰為順天府戶前通政司右通政  
郭廷梧補南京

夜月犯建星

丁亥南京戶科給事中阮子孝言五事建言諸臣宜優容言  
官心事宜鑒別監場御史宜選擇撫按論列宜詳慎丁憂被  
論不宜舉劾報聞

戊子鴻臚寺序班翟舉賢下刑部獄以許前堂官賈名儒聞  
訃宴飲楊宗仲庸劣尸素也

丙申夜月犯井宿

許國再乞休不允

庚子御史周先祖為太僕寺卿御史李植江東之羊可立為  
光祿尚書少卿時上卿故輔甚疑諸大臣黨護及劉一相  
疎入心益動以李植逐潘季馴遂嚮用下吏部以李植江  
東之羊可立盡忠發奸不次擢用故有是遷  
亦轄等族番人入貢

八明辰朔戶部左侍郎王之垣致仕

改折淮北三府冲疲漕運

乙巳山西道御史原一魁乞宥建言得罪諸臣鄒元標郭惟賢馮景隆孫繼先黃道瞻曾同亨丁此呂伍可受譚希思董基范備等上怒其市恩奪俸三月

屬夷長昂犯入下莊總兵官楊四畏副總兵徐從義擊卻之斬三級追至老鴉嶺而還

瞿九思曰世多言屬夷入寇蓋自庚戌始豈其然乎也先之入我連陽花當之入我馬蘭夫非前事與嗣是建昌喜峰九年之間歲率以為常豈獨兩酋然哉兩酋受國覆載恩拜爵入貢如漢吏而長昂罪尤甚於董乍革乍復乍復

生革皆善繼

二祖微意不然豈不能為王果之征也東

鄰殺牛不如西鄰之禴祭於三衛有近焉

戊申廣西平樂兵噪殺四十餘人官兵討定之事聞逮知府

周初

山西按察使許守謙為右僉都御史巡撫山西兵部左侍郎

辛自脩為南京右都御史

已酉冊貴妃鄭氏榮妃王氏其父鄭承憲進錦衣衛都指揮使王文錦指揮僉事

壬子議復遼王國滿季馴之逐外議洵謂復廢遼僂張氏

家屬至是有旨擬復廢遼重論居正申時行等言張居正所  
犯自足喪家遼庶人所犯自足傾國兩不相蒙復爵非制也  
上然之遂差遼庶人贖次妃王氏給衾重庶糧二百石  
談遷曰親王除國罪惟畔逆餘涉淫橫譴及其身未至墟  
其宮屋其社也遼庶人配德多矣然與漢戍懸甚身沒幽  
園足明其罪子或續封減祿三之一於情法各有當也  
明主可與忠言而吳縣反拘閹深憲謂妨江陵之事後耶  
似未必然

蠲登萊通糧十七萬四百餘石

誅遼府逆奴楊秀

甲寅宋纁為戶部左侍郎石星陰武卿為兵部左右侍郎改  
李世達戶部右侍郎

丙辰徵戶部太僕寺各三十萬金閣臣力請減遂半之又因  
秋祭山陵徵太倉五萬金太僕寺十萬兵部復持不可不聽  
法司以故輔獄上命榜其罪於天下誣蟻親藩侵占王墳箱  
制言官蔽塞朕聰私廢遼王地假以丈量騷動海內專權亂  
政罔上負恩謀國不忠本常斷棺僂屍念勤勞有年姑免盡  
法其弟都指揮居易子編脩嗣修

張順張書俱戍邊

談遷曰 上初師事江陵禮遇優渥雖戶且無以過也身  
沒未寒遽嬰大僇蓋檢約黼展動不自繇 慈訓飭於上  
規瑱迫於外嫌忌日積乘隙而潰遂莫可救矣故曰大臣  
格君心之非格非以心不以人政所慮亦以此耳  
丁巳耿向定為左副都御史賈三近為右僉都御史巡撫保  
定

朝鮮國王李昖因脩會典辨其祖康獻王李旦之誣許改正  
辛酉南京右都御史 勘福建道試御史譚希思奏中內  
閣絲綸簿出國憲家獻閣內有絲綸簿其內官寺專恣收於

內紅牌出憲章錄洪武五年六月定內官禁令命工部造紅  
牌鐫戒懸之宮門今亦無存 云云 上不繫制書諱希思  
壬戌巡撫南贛汀韶右僉都御史張岳為左僉都御史  
嚴大紀為光祿寺卿

丙寅夜月犯井宿

戊辰光祿寺卿賈待問為右副都御史巡撫南贛汀韶  
庚午太僕寺卿周弘祖為南京光祿寺卿

房人山史錦請開礦命下撫按

給永年伯王偉肩輿禮科都給事中萬象春跡格謂特恩不

聽

辛未河南都縣水旱冰雹

九月朔泰寧等衛屬夷入賀萬壽節

吏部左侍郎陸光祖乞休許之閣言光祖持正寡諧素甘恬退今為言官所排恐老成因而解體上復令供職巡按浙江御史羊可立疏糾之章下吏部

復浙江布政司都事都指揮使副斷事温州鹽捕通判

乙亥上御午門緬甸岳鳳等九人獻俘磔於西市鳳世撫州人父賈於隴川生鳳黠而多智為宣撫多士寧記室以妹

妻之因媚士寧而奪其權與三宣六慰各土舍罕拔等歃血謀叛乃誘士寧往擺古見緬甸酋莽瑞體鳳令子曩烏鴉士寧死并殺其妻子奪牌印受瑞體偽命自稱宣撫瑞體死子應禮立鳳誘敗我師獻士寧妻胡氏及族黨六百餘人於應禮盡殺之又潛陷罕拔投之水眾約刃落參同逆訖應禮以大兵壓境鳳於參谷起象兵數萬分寇攻雷弄蓋達午奎南甸木邦老妮思甸等處窺騰衝永昌大理蒙化順寧景東鎮沅沅江又燬順寧破蓋達又令曩烏甸緬甸兵六萬突至猛林指揮吳繼勳千戶徐應彩戰死而鄧川土知州何山與鳳

僚壻也遣通事招鳳、縛獻莽賊。七月同應禮祀妣闕據  
灣甸芒布何知州力諭鳳始遣頭目已遣子亨來謁各道  
俱厚遣之游擊劉綖又遣諭以禍福十二月方令妻子及大  
頭目隴漢等以夷民九十六人來綖徵金牌勅書詔招降蠻  
莫猛密贖罪明年正月朔鳳詣軍門降綖復分兵追緬擒能  
改刻里也腿莽腦等又擣隴川曩烏亦降乃携鳳等攻降蠻  
莫招撫孟養等處莽濶母荅乘象走我師追之斬百餘人親  
縛莽濶母帥等殺緬賊萬餘獲偽帥印綖又圍猛臉等罕度  
子招罕招色等三尖山叅將鄧子龍襲擒之西南平是役也

鳳以一叛民篡故主而攘其印結連土舍勾引緬夷分道入  
寇傷殘數郡白骨青燐人至今切齒因及俘入輔臣以原約  
不死於射堂而鞠勞以花幣曰且有爵賞明日伏法

于慎行曰中國制馭夷狄全在恩信不信則失恩失恩則  
傷體降而殺之非示恩也許而背之非示信也堂、天朝  
不能以兵力取勝誘降小夷致而殺之不但失信恩亦損  
威甚矣軍中機宜或用權誦朝中政體則貴正大否則非  
體也甲申之舉其亦未聞蘓定方之言耶

扁夷長昂以千餘騎入劉家口琵琶堡守兵拒卻之又糾西

「哈不慎等欲大舉謀聞

丙子治高郵寶應湖隄

戊寅叙黔南功進申時行少師兼太子太傅吏部尚書建極殿大學士詹尚寶司丞余有丁少傅戶部尚書建極殿大學士許國少保武英殿大學士各詹中書舍人

總督雲貴川湖軍務劉世曾進右都御史兼兵部右侍郎仍巡撫貴州總兵官黔國公沐昌祚進太子太保加祿百石並詹錦衣衛百戶兵部尚書張學顏進太子太保餘陞賞有差巡撫延綏右僉都御史王汝梅加右副都御史

庚寅 上還至涼水河忽有驚馬突仗內 上曰馬偶佚耳

不問

辛卯還宮近年三幸昌平賴兵備僉事于達真整暇能不擾報東西，入犯

丙申 上受賀皇極殿

戊戌保定總兵官署都指揮僉事張爵鎮守山西

加定國公徐文壁太保彰武伯楊炳少傅各兼太子太傅

己亥尚寶司卿王用汲為大理寺右少卿

庚子命張誠等回京時籍沒事竣

鎮守宣府總兵官趙宗璧罷

南京刑科給事中阮子孝疏救郭惟賢江西道御史潘惟岳等亦言之奪首俸六月餘三月

壬寅欽天監言推筭萬曆十五年十一月癸酉朔日食依大統曆日食九十二秒依回、曆不食已而回、果驗章下禮部

是月前南京兵部尚書劉光濟卒

十  
癸卯朔 上享太廟

丁巳諭停刑

庚申申時行自大峪山回

壬戌禮部尚書陳經邦致仕

南京右春坊右諭德趙志臯為左春坊左諭德兼翰林院侍讀司經局洗馬吳中行為右春坊右諭德兼侍講纂脩玉牒甲子平樂知府周初逮至削籍 上欲重其罪閣臣為寬之刑部主事上海俞顯卿訐奏禮部儀制主事鄧縣屠隆在西寧侯宋世恩所淫縱事及陳經邦命按之隆顯卿並除名世恩奪祿半年



丙寅南京工部尚書孫植致仕  
以水旱雹蝗免湖廣山東田租

丁卯吏部左侍郎沈鯉為禮部尚書兼翰林院學士

戊辰唐府湯陰王宙祭謚榮簡

庚午右春坊右贊善趙用賢為司經局洗馬署國子司業

辛未翰林院侍 田一雋為南京右春坊右諭德署翰林院

事

十 月 癸酉朔初欽天監推大統曆當午刻日食九十二秒推回  
回曆不食果回、曆不食

刑部左侍郎舒化為尚書右侍郎丘楨為左侍郎吏部右侍

郎陸光祖為左侍郎禮部右侍郎王家屏改吏部

丁丑少詹事沈一貫為禮部右侍郎

辛巳南京戶部照磨蔡復賞上孔聖全書以輕率調外

壬午國子祭酒張位為詹事府少詹事兼翰林院侍讀學士

署院事

癸未吏部左侍郎陸光祖為南京工部尚書南京工部右侍

郎蕭廩改刑部

甲申寧夏總兵官李昫罷

直隸巡按御史周之翰劾陸光祖命留用

乙酉故刑部尚書毛愷戶部尚書馬森各贈太子太保

丙戌犯高墻鋪

丁亥貴州副總兵劉承嗣為征西將軍署都督僉事總兵官鎮守寧夏

夜月犯井宿

己丑少傅兼太子太傅戶部尚書建極殿大學士余有丁卒有丁字兩仲鄞人嘉靖壬戌進士及第授翰林編脩歷春坊祭酒禮吏侍郎直閣同相申王和衷共事性寬大不設城府

如救張居正無逆狀目陸光祖為正人其事尤著贈太傅謚

文敏予祭墓

戶部右侍郎李世達改吏部左春坊左諭德徐顯卿為國子祭酒

唐寅詔先臣王守仁陳獻章胡居仁從祀孔廟時朝議從祀不一禮部尚書沈鯉素簡王氏學彙奏曰謂胡居仁當祀則尚書楊巍王遴張學顏侍郎宋纁傳希摯謂胡居仁陳獻章當祀則侍郎辛應乾謂陳獻章王守仁胡居仁當祀則尚書鈺化左都趙錦侍郎倪光薦右通政陳瓚大理卿曾同亨少

卿何源諭德吳中行都給事中齊世臣御史喻文煒龔一清  
陳遇文謂胡居仁呂柟當祀則尚書楊元謂蔡清羅倫當祀  
則通政叅議杜其驕謂王守仁陳獻章胡居仁蔡清當祀則  
侍郎周子義洗馬陳于陞謂王守仁羅倫陳獻章胡居仁當  
祀則大理寺丞羅應鶴謂胡居仁蔡清當祀則給事中王三  
餘王敬民謂胡居仁王守仁當祀則給事中顧問其未敢輕  
議者不預焉侍郎石星謂守仁不當立門戶講學侍郎丘楨  
謂守仁為禪侍郎王家屏謂從祀重典若今日入他日出之  
反累盛典臣等裒衆論較量其間惟胡居仁絕無訾及且有

專舉守仁獻章皆豪傑之士但諸臣與者十三否者十七甲  
可已否請姑已之以俟論定申時行言守仁致知出於大學  
良知本於孟子獻章主靜沿於周敦頤程顥非自勗門戶也  
孝友如獻章功業如守仁非禪也或者謂崇王則廢朱不知  
道固互相發明且陸與朱並祀矣朱學不聞以陸廢今獨以  
王廢乎請祀二臣并胡居仁有旨 皇祖嘗稱王守仁有用  
道學其與陳獻章胡居仁俱祀孔廟

王世貞曰今天下之為新建學者大率十而七諸不為新  
建學者以新建為異端豔其勲者疑其旨傳其跡者窺其

衷此議之所繇以參差也其致良知一語簡切痛快實可  
接孟氏之性善而他訓詁章句小不盡合朱子耳非不盡  
合聖人也當正德時新建膺闈外之寄建不世之績而盟  
權幸牙角爪距之鋒全身害遠要必有所謂權者而不聞  
其詘節之實柄在悍帥則悍帥擅樞之柄在中貴則中貴  
挪揄之柄在輔相則輔相媒孽之藉令焉季長杜元凱而  
處此寧有是哉嗟乎若新建者又焉可勲疑近窺也簡討  
之學似不及新建博於六經羽翼亦淺然其表之光霽  
識見之超邁在孔門當遠出曾點上等之宋代亦堪鴈行

周子蓋得聖人之心於見聞表者也新建恐所不及也胡  
布衣一篤行君子耳其書具存於道實未有所悟於六經  
實未有所發揮也祀后仁不若祀吳與弼與弼之毀以名  
重而毀也又竊以為實學實行得大儒識者亡若章懋羅  
欽順有識有用得大儒節者亡若王恕明之第一賢臣也  
所著石渠意見於聖經有發揮不啻賢於布衣之后業錄  
也

何喬遠曰有明諸儒二百年來從祀孔子之廟者則有薛  
河東陳新會胡餘干王餘姚四子其他篤行尚俟更僕然

就論四子之學則河東餘干恂、子聖人之教而新會以  
靜餘姚以頓論者皆疑其入於陸氏之禪予觀新會少年  
盡讀天下之書晚節俛仰天地萬物喟然而悟而後教人  
以靜餘姚故馳騁經史文字最後得良知之說則皆未嘗  
不以學入者夫奈何以學入門不以設教也

談遷曰嘉靖初榜葉王氏之學謂毋踵襲邪說果於非聖  
其詞厲矣及吳縣陰王從祀輒借皇祖所稱結天下之  
舌如意在絕廢遠則曰奉先帝宸斷援據藉口所謂繼  
述之善耶

刑科給事中陳璧言三事任事貴人民事貴查財用貴節從  
之

甲午少保左都督廣東總兵官戚繼光罷以兵科給事中張  
希臯等劾之

禮科給事中李以謙論耿定向代陸光祖辨而詆周之翰非  
是有旨令進退予奪當聽朝廷處分言官各據實大臣亦不  
得偏執傷協和之體

丙申申時行請推閣臣從之

丁酉南京兵部右侍郎毛綱改戶部甘肅巡撫右副都御史

董克封為南京工部右侍郎

逮崇慶知州陳邦謨下獄以採木科罰也

戊戌右軍都督僉事劉鳳祥為總兵官鎮守廣東

貴州新歸化苗頭撈柳等入貢

己亥山西右布政使曹子登為右僉都御史巡撫甘肅

辛丑尚書司卿王鑑以謝恩聲微奪俸二月

十月癸丑朔無逸殿灾諭脩省

甲辰王錫爵為禮部尚書兼文淵閣大學士王家屏為吏部

右侍郎兼東閣大學士直文淵閣

辛酉戶部尚書王遴言六事崇節儉重農務督逋負懲貪墨

廣儲蓄餉貢市 上嘉納之

刑部上臨江知府錢若膺之獄 上欲即誅於其地申時行

等言若膺所犯故禁平人法應秋決非決不待時者乞繫獄

待論從之

壬戌予故大學士嚴訥祭墓謚文靖贈太 訥字 常熟

人嘉靖辛丑進士選庶吉士授編修歷侍讀太常少卿攝院

事吏禮工侍郎晉禮吏部尚書加太子太保武英殿大學士

訥燕壇多才略而文章妙一時當嚴氏權賄之日所守名位

日隆則醇謹之效也

予故南京工部尚書孫應鰲祭墓謚文恭應鰲字山甫貴州清平衛人嘉靖癸丑進士選庶吉士授戶科給事中出補江西按察僉事遷陝西提學副使累進今官廩有 範  
乙丑少詹事張位右諭德吳中行編脩余孟麟檢討顧紹芳纂修會典

戊辰起吳時來通政司左通政

廣西道御史許子良等乞寬錢若廢奪其首俸三月予故刑部尚書毛愷謚

庚午勅司禮太監孫政守備承天

乙酉萬曆十三年

正月郊上享太廟

庚辰夜熒惑逆行入軒轅犯南第五星

泰寧衛都指揮僉事大成孫顏衛都指揮僉事伯彥帖忽思福餘衛都指揮僉事那彥孛來各貢馬自言守邊功例加幣  
三衣一襲

壬午起海瑞南京右僉都御史

議一零竊督撫官實報巡閱御史覈失事輕重分別奏請若  
真有斬獲量贖

鑄隴川宣撫司及孟定府印猛密安撫司進為宣撫司增安  
撫司二曰蠻莫曰耿馬長官二司曰猛臉曰猛養千戶所二  
曰姚關猛林茫皆隸鎮安並給印立大將行署於蠻莫  
南京左軍都督府僉書楊鯉改中軍都督府

癸未石城王府奉國將軍拱楠有罪廢為庶人時請祿詎巡  
撫馬文煒

丙戌五軍營右副將李應祥為南京左軍都督府僉書

戊子廣昌縣雨雹明日地震

己丑除閏考之法初外計三年內計六年後執政私指考察  
曰閏考時叅政王時槐林梓等皆下考巡撫南贛張岳特薦  
之吏部謂非時閏考宜革不得妄請報可

辛卯皇次子常淑追封邠王謚曰哀

都督 四川總兵官沈思學除名思學初平都掌蠻開府  
其地標兵頗驕驟裁之大噪焚其署幾死巡撫維遵不能制  
壬辰詔毀天下私創菴院書院以戶部尚書王遴議從之禮  
部恐激變歎日復諭都察院停之



蠲海門縣冊江糧一百九十一石

丁酉順天府通判周弘禴論兵部尚書張學顏太僕寺少卿

李植吏科都給事中齊世臣忤旨謫弘禴

戊戌前撫治鄖陽右副都御史湯賓卒賓字繼寅南皮人嘉

靖庚戌進士知安福自戶部主事歷前職年七十二

辛丑南京左軍署都督僉事李應祥為總兵官鎮守四川

二月壬寅癸卯朔詔定科場事宜如嘉靖七年例遣朝臣主省試

癸卯巡撫廣西左副都御史吳善合廣東總兵戚繼光廣西

總兵呼良朋擊懷集叛獍嚴秀珠等斬之

瞿九思曰金鵝之捷豈天欲殲除此屬耶何其滅之速也

臣數其師旋之期猶不至三旬而百年之逋寇蕩滌殆盡

哉府江十寨皆犁其庭掃其穴而郡縣之其為金鷲諸巢

善後策不少概見何法曰多笑勝少笑不勝也夫猺獠難

猝滅漸拔巢而郡縣之此多笑者也

甲辰好地坪番族郝卜羊家保等貢馬及方物土魯番頭目

沙亦等貢方物套威正等道劫之巡按御史屠叔方請絕

其撫賞聲言勅殺從之

丁未淮揚廬及上元江寧江浦六合地震

戊申夜熒惑逆行自昨冬十一月辛亥失度歷星柳二舍有餘

壬子出宮費三萬金繕慈寧宮

南京右僉都御史海瑞為南京吏部右侍郎應天府尹顧章志為南京兵部右侍郎太僕寺卿袁三接為應天府尹

丙辰山東布政司右參政馮敏功卒敏功字平湖人嘉

靖壬戌進士有治河功贈太僕寺卿

戊午犯瀋陽靜遠堡遂掠懿路出蒲河之十方寺堡大殺

掠

庚申太常寺少卿沈思孝提督四夷館

蠲順天屬縣田租

壬戌禮部主事蘓濬為浙江提學僉事時偏秋期濬歷

試精敏無一失者

兵科左給事中王三餘論承天守備太監王禎違法十罪鐫

禎三級安置南京

丁卯京師自去秋八月不雨河井涸命禮部祈雨

戊辰叙貴州平苗雲南平莽應禮功初貴州都勻府平定司

苗阿韶樂平司苗樂王以土官宋瓚科索攻陷司治恣殺掠

巡撫舒應龍擊斬百九十八級

庚午大同風霾傷人畜

是月前順天府尹李敏卒予祭葬

三月初朔始作壽宮御史鄧鍊以旱請停役不報

丁丑大風霾

錄建言諸臣以兵科給事中張維新請推及忠鯁遂下吏部  
品叙於是鄒元標兵部主事孫繼先刑部主事俱南京黃道  
瞻河間推官曾乾亨大名推官伍可受開封推官馮景隆南  
陽推官譚希思欽州判官

諭止內操兵科都給事中王致祥等言國法非宿衛不得  
持寸兵今群不逞之徒授以利兵出入禁門莫可問或有奸  
人竄跡為禍豈有既哉不報是日諭內閣已罷卿等知之

南京戶部尚書魏學曾致仕

戊寅山西山陰地震十五日

已卯詔改折各省直今年漕糧百五十萬石甲字庫棉布十  
萬一千四百十匹承運庫絹四萬三千五百二十二匹

南京戶部署郎中事主事唐伯元言王守仁不宜從祀又進  
石經大學云出安福貢士鄒德溥南京兵科給事中鍾汝醇

摘其妄請伯元海州判官

總督倉場戶部左侍郎傅希摯為南京戶部尚書順天巡撫  
右副都御史張國彥為戶部右侍郎

土魯番入貢

雲南獻馴象

甲申大雪

己丑巡撫遼東侍郎李松總兵李成梁出師大敗於塞外  
斬八百二十四級獲馬五百四十九匹我兵失亡六百九十  
三人時伯言把都復糾鄧見台吉萬餘騎犯瀋陽游擊周

思孝逐之走遼河李成梁追破之出塞百五十里奏大捷  
工科給事中張棟請盡蠲帶徵錢糧戶部尚書王遴謂常賦  
不可輕蠲猶罪人不可輕赦罪之令屢下而犯法益衆蠲  
賦之令屢下而逋負益多臣愚以為本年之起運全完然後  
先年之帶徵可免工是之

庚寅 工偶不豫

定山東徭役刊書為永利

兵部尚書張學顏致仕

戶部左侍郎宋纁總督倉場

前少師兼太子太師吏部尚書中極殿大學士李春芳卒春  
芳字揚州興化人嘉靖丁未進士及第授翰林修撰歷  
前秩冲夷有度喜接引天下士避遠權勢年七十五贈太師  
謚文定予祭葬

壬辰尚寶司丞徐貞明加少卿賜勅同撫按勘議京東水利  
初順天巡撫張國彥兵道副使顧養謙興水田於薊永玉田  
豐潤而效故工科都給事中王敬民薦貞明素留心可任從  
之貞明謂凡民難與慮始條數則以釋民疑工命撫按官  
曉諭所在軍民而巡閱御史蘓鄒又言治水與墾田相濟未

有水不治而田可墾者畿內之水為患莫如蘆溝滹沱之河  
蘆河出桑乾沱河出秦戲源遠派長又合涑易濡電沙滋諸  
水散入各淀而泉渠溪港悉從而注之是以高橋白洋等淀  
大者廣圍一二百里次四五十里滙為巨浸每當夏秋霖潦  
膏腴變為鴻鹵菽麥化為萑蒲矣夫除水患有三曰濬河以  
決其壅也曰疏渠以殺其勢也曰撒由防以均其利也唐刺  
史盧暉於河間開長豐渠引水東流以溉田宋臨津令黃懋  
屯田雄莫等州置斗門引淀水灌溉民賴其利嘉靖初巡撫  
許宗魯濬三岔口引渚淀入海而景州知州劉深開千頃窪

導決河入渠民免水患此皆古人遺法而近日行之有效者  
也疏上并下貞明徧歷郊閩與撫按各道講疏濬蓄之法  
于慎行曰徐貞明開水田於京東竟以中貴居民交稱不  
便而止議者多惜其功之不成然不知縱使盡行其說亦  
未必能興也何者江南江北天時地利人力均有不同江  
北雨水多在秋初江南雨水多在春盡當彼潤澤之期是  
此亢旱之日其不相合一也江南土潤而細水可停蓄江  
北土燥而跡易於涸竭非有蓄泄之備可以裒益其不相  
合二也江南之民火耕水耨不以為勞江北之民濡手塗

足目所未覩即多募農民未必樂就其不相合三也惟是  
流泉大川可以引溉則人官之能有所展布而不可多得  
也至若橫潦瀰漫極目無際沮洳斥鹵千里不毛即有巧  
匠亦莫施其能矣故水利之不可開亦勢然也豈盡時政  
圖恬議論牽制而然

詔減浙江織幣從巡撫王世揚之請初歲織萬匹後加二千  
匹至是歲再運各四千匹

吏部推董基南京禮部主事不允

魯王願坦以宗室驕橫難制疏辭管理

詔減尚衣監料銀

釋方孝孺等戍籍浙江七百十三人江西三百七十一人福建二百四十四人四川四十一人廣東三十四人  
畢鏘為戶部尚書王遴為兵部尚書

封秦世孫效壩為秦世子恬燁德平王宣璿華陽王

庚子通政司使倪光薦加工部尚書巡撫福建右僉都御史

趙可懷為右副都御史巡撫順天

雲南金騰武寧兵噪圍叅將張應龍以頭解

四 丑寅朔 上享太廟太常寺卿沈人种折旋失度時吏部推

右副都御史巡撫福建踪留不下閣臣為解之

丙午大雩

丁未東 訶不慎寇邊初入犯章其賞怨我也

故御史贈光祿寺少卿劉臺子孟銑詹國子監

刑部右侍郎丘橐為南京吏部尚書左副都御史耿定向為

刑部左侍郎太常寺卿沈人种為右僉都御史巡撫福建

減湖廣荆衡長沙辰靖等府衛軍餉米三千九百石

戊申釋輕繫詔釋鳳陽庶宗百四十六人

張岳為左僉都御史岳上四議馬市宗藩條編治河事竟不

行

賑鄧陽襄陽饑

辛亥徵南京戶部十萬金餉雲南

問刑條例成刑部尚書舒化與吏部尚書楊巍輯嘉靖十四  
年以後詔令及宗藩條例軍政條例捕盜條格漕運議單閱  
於刑名者凡三百八十二則刊布中外

大理寺少卿何海為太常寺卿吏部文選郎中陳有年為太  
常寺少卿

壬子萬全都司有星如火天鼓鳴如雷

癸南京戶部二十萬金於四川採木

癸丑城宣府南衛青泉等十三堡

乙卯諭閣臣朕步禱南郊

初御史鄧鍊言四事緩壽宮之建減燒造之費行賑濟之實  
寬贖鍰之追是日中使持奏至內閣傳磁器如屏風燭臺博  
局罇鼎已成者輸之未造則止閣臣言大龍缶亦難成并停  
之報可

夜月食

丙辰上致齋武英殿賜申時行布二許國王家屏各一



丁巳告奉先殿

戊午昧爽 上御布素步禱南郊往及殆二十里勅部院曰  
天時亢旱雖朕不德所致亦天下有司貪贍酷害上干天和  
今後爾部宜慎選都察院移文申飭之  
詔郡縣免被災今年田租其帶徵者酌定

庚申葬邵哀王

予故南京吏部尚書王本固都督僉事宣府總兵官趙崇璧  
祭葬

左都御史趙錦加兵部尚書時通政尚書倪光薦秩父班錦

上錦謂非制乖院司之體故有是命

壬戌大風霾

南京提督操江右僉都御史趙煥為南京右僉都御史南京

太僕寺卿蕭崇業為右僉都御史提督操江

乙丑虹縣小河北民家涌血民驚走至市市亦涌血

命閣臣序明心寶鏡 上宮中偶見而悅之

南京光祿寺卿周弘祖衣緋謁 孝陵見糾削籍

戊辰浙江道御史蔡系周劾太僕寺少卿李植謂官省事秘  
誰能知者而植則曰 皇上呼已為兒每觀籍沒賢玩則必

喜遂市其重鬻獄漁色靡事不為又植資吳中行等陰謀  
中行等亦借植之威勢植迫欲中行之拜相而善其後中行  
亦迫欲植之冢宰而行其私江西道御史孫愈賢亦劾之於  
是尚寶司少卿羊可立言向者馮保假張居正蔽主專權臺  
省諸臣並攻之一時奸黨懷彼私恩造為無影之言轉播中  
外傾陷直臣以為李植不去則馮保不來故首攻植漸及於  
臣因乞罷申時行等揭請詰可立奸黨為誰 上手勅閣臣  
曰卿等欲可立摘奸黨急之恐無指於國體謂何今發一札  
俾令後諫臣不可逞私啟爭明日諭都察院曰諫官務存國  
家大體何得逞私滅公今後瑣瀆重治毋貸遂批可立疏曰  
馮保張居正事出朕獨斷誰敢懷私報復自干憲典以後不  
許借言奸黨攻訐爭辨

談遷曰大臣休、之量在茹納衆沓如跡稱奸黨於擬旨  
時詰發猶分宜之故智也乃專揭以請亡論度不足而識  
亦短矣讀 上手勅有不心媿者乎

太僕寺少卿李植左諭德吳中行太常光祿少卿沈思孝江  
東之各求罷不允  
太僕寺少卿石應岳為南京太僕寺卿陝西左布政使孫坤

為南京光祿寺卿

五朔末朔開西安鳳翔漢中茶禁

乙亥甘肅巡撫右都御史董克封為南京工部右侍郎克封母老許終養

丙子錄潘陽功李成梁益祿百石子如楨進都指揮使世襲總督張佳胤進太子太保前廕錦衣百戶進副千戶世襲巡撫李松進兵部左侍郎廕如佳胤並賜金幣餘陞賞有差丁丑永年伯王偉請沒官宅一區以濫乞不許已卯以戶部戶科各請停買黃金諭戒其二關揭上減三之一

一 庚辰吏部推撫治鄒陽方弘靜為南京工部右侍郎上以其驟詰吏部

辛巳雜谷安撫司番僧入貢

鄧陽王府鎮國中尉懷壇以殺弟廢為庶人錮閑宅

乙酉宛平五河大雨雹

戶部浙江司署員外郎王事聞道立以旱災陳三事曰法祖宗之制以勤召對推蠲貸之仁以議大工廣欽恤之恩以一法紀云故相張居正之處乾綱獨斷正其罪逐其黨矣但其

母垂暮兼懼憂若恐所給田不足贍而曾省吾以寄贖取盈  
追償勢必株連恐皇祖潛龍之鄉不免亡猿之禍今荆南  
一路首被災荒請下法司量行豁免上怒其出位鑄一秩  
調外

丙戌雨

折浙江漕糧十之三

丁亥犯瀋陽殺游擊韓元功

南京戶部山東司主事王鏐以地震言脩省八事務節儉廣  
言路親賢臣慎任使核實政擇要職重守令育賢才上是

之

己丑上朝罷召輔臣於平臺以陝西巡按董子行跡示申

時行曰撫鎮官親歷地方巡撫歲一至總兵歲再至又巡撫  
久任責成又邊上兵備宜優免又邊郡同知通判等破格遷  
除又邊務重大撫鎮官不親歷專委下吏豈不債事對曰巡  
撫遷轉昨方弘靜以任淺不許陞臣深服聖斷上曰任久  
寧加俸銜毋輕易也

丙申雲南車里宣慰司刀孺猛來降獻馴象方物沅江土舍  
那怒招之也命襲祖職賜那怒金幣

司經局洗馬署國子司業趙用賢兼翰林脩撰同諭德趙志  
臯等纂修玉牒

大理寺卿張孟男為南京工部右侍郎南京太常寺卿方九  
功為南京大理寺卿

六月子朔南京國子司業劉城改北通政司右通政陳瓚為南  
京太常寺卿太僕寺少卿沈玄華為通政司右通政

辛丑慈寧宮成始甲申二月費四十萬金詹齊輔臣工部尚  
書楊屯進太子太保侍郎何起鳴進尚書太監張誠詹錦衣  
衛千戶張鯨張禎並百戶

壬戌懷柔伯施光祖夜挾使執於邏卒奪歲俸

薊鎮兵備副使顧養謙為右僉都御史巡撫遼東

屬夷董狐狸款關獻人畜服罪復市賞

乙丑初萬曆八年安南與廣西所轄雷峒歸順之土司爭疆  
已割雷峒六甲十二鄉地予之今使至仍言失地禮部請諭  
止從之

征西將軍都督僉事寧夏總兵官劉承嗣改平羌將軍鎮守  
甘肅

丁卯令廠衛嚴緝蜚語時御史孫愈賢蔡系周既論李植有

匿名書謂閣臣許國謀去植等授意二御史刑科給事中劉尚忠以聞

是月松潘夷犯普安堡殺百戶陳克勤

七廟午朔 上享太廟

癸酉右春坊右諭德于慎行李長春主試應天時各省先後遣朝臣主試浙江翰林脩撰孫繼皋刑科右給事中常居敬江西翰林編修余應麟吏科右給事中葉時及福建翰林編修黃洪憲兵部主事蔡文範湖廣翰林檢討張應元禮部員外郎李同芳河南禮科右給事中陳大科吏部主事鄒觀光

山東兵科左給事中王三餘禮部主事孫成名山西吏刑部員外郎王教魏允孚陝西禮科右給事中田疇戶部主事蕭良譽四川兵科右給事中唐克欽刑部主事王德新廣東吏科左給事中楊廷相兵部員外郎江鐸廣西工科給事中張棟刑部主事林兆珂雲南吏科給事中楊文舉戶部主事彭慶祖貴州工部員外郎周夢暘刑部主事熊敦朴吏科給事中盧達言四事曰重輪音如壬午覃恩四閱歲矣京官猶未給文乞撰者以期上曰酌敘遷京堂四五品當論俸不專論資望開速化曰踪貢奎嘉靖八年乙榜定選舉正

教諭今授訓導妨青闕宜復舊例曰庶欽恤近恤錄諸臣以  
多馭為最諸臣畏馭多從原罪不敢開釋或郡止一二人夫  
為民求生多馭吳罪今宜遵勅盡心平反 上是之  
蠻莫安撫使思順出奔金沙巡撫劉世曾請臨沅游擊劉天  
澤代副總兵劉綬命詰遠夷激叛之繇

甲戌御史龔仲慶論李植吳中行沈思孝曰節義美名也必  
垂老無玷始獲表揚如鄒應龍之斥嚴嵩豈不偉烈而播惡  
雲南迄今痛恨往事如斯將來可鑒 上以其爭勝請外各  
科道申救不聽蓋仲慶希輔臣意見責也

南京工部尚書陸光祖予告

八  
己亥朔命大學士申時行視壽宮是日太僕寺少卿李植光  
祿寺少卿尚賢司少卿江東之羊可立各言大峪山未利求  
再擇且謂時行姻故尚書徐學謨故右其成憾尚書陳經邦  
故左其去時行踪辨 上以閣臣非善以地奪植等俸半年  
諭閣臣曰此出朕親定李植等亦在危行初無一言今吉典  
方興輒敢誣搆朕志已定不必另擇

改鑄南京戶部銅版鹽引十有三茶引三新舊並貯庫

甲辰右春坊右諭德張一桂司經局洗馬陳于陞主試順天

南京禮部郎中平湖馬應圖請輕閣權言今事權漸重恩賞  
太驟召對不廣且盛稱李植江東之吳中行沈思孝而刺齊  
世臣孫愈賢蔡系周吳定龔懋賢以及楊巍上怒其奸私  
謫大司典史給事中王致祥等御史柴祥等攻應圖謂國子  
博士陳泰來所具草也章下所司  
已酉京師地震

降李植江東之戶兵部員外郎羊可立大理寺評事並添注  
初植等負氣悻、閣部相構不休壽宮議起備申時行陰推  
王錫爵薦侍郎張岳太常寺卿何源善彤家言錫爵等各踈  
辨錫爵曰諸臣先後踈自曰孤臣曰善類夫孤臣為不得意  
於君父也今諸臣得君此其臣不孤舜蹠之分在善與利今  
諸臣豈盡為公此其類未必善上意動因工科給事中王  
敬民踈手批鐫秩

談遷曰李植等始櫻其鱗終觸其藩尚口乃窮不其然與  
太倉摘狐臣善類微文刺譏類於輕儇無閔邪正而實錄  
獨詆李植等非通論也

西、哈不慎犯雲川堡

癸丑 慈聖皇太后還御新宮



乙卯朝鮮及朶顏等衛賀萬壽節

己未兵部右侍郎陰武卿為南京工部尚書南京尚寶司卿  
余懋學光祿寺少卿趙參魯並為太僕寺少卿

庚申兵部尚書王遴叅新寧伯譚國佐布政徐元氣等入賀  
萬壽擅乘傳奪俸有差

夷酋小阿卜戶叩關服罪求復馬松二路撫賞許之

刑部右侍郎蕭廩為兵部左侍郎左副都御史張岳改刑部  
右侍郎

乙丑以大峪山圖西北微有石欲前之命定國公徐文璧大

學士申時行太監張誠再閱

丁卯申時行報命諭閏九月六日朕自往

九 戊辰朔左副都御史張岳罷岳直陳國事疎列二十二人閣

臣申時行許國王錫爵尚書楊巍舒化陸光祖給事中齊世

臣御史吳定孫愈賢皆極褒美而微刺之脩撰趙用賢侍講

吳中行府尹沈思孝博士陳泰來郎中馬應圖無譏焉李植

江東之羊可立當令宣力一方賞功惜才故尚書潘季馴御

史龔懋賢蔡系周龔仲慶誚讓特深 上切責其枝蔓於是

吏科給事中袁國臣等劾之岳佐憲屢對人言閣臣之失將

糾之故閹臣轉以刑侍果跡工國臣等誣其貪黷傾陷軍輔  
已巳蠲河南陽武等縣災租

南京太常寺卿陳瓚為左副都御史南京光祿寺卿孫坤為  
南京太常寺卿大理寺少卿敖鯤為南京光祿寺卿

壬申夜月犯房宿北第一星

晉王敏淳年少命寧河王知吳佐之惟錢穀無預

夷酋長昂以媿母叩闕服罪求復撫賞許之并請佛經圖記  
惟予佛經

乙亥戶科給事中蕭彥言西北水利當成有四當審亦有四

國家定鼎燕京轉漕東南水利既興昔取諸東南今取諸堂  
輿之外當成一也西北有水利東南可以息肩漕輓之費省  
當成二也善騎不善步溝洫有制是不墻而堵不兵而衛  
當成三也昔為曠莽今為蕃育生聚教訓安適長利當成四  
也然西北不諳水田驅而為之緩則無濟急則有疾是人情  
當審也墾田每邑不下千人派之民耶厲矣徵之江南耶齎  
糧遠赴有望之而走耳是墾田之役當審也臣往閱寧夏古  
稱塞北江南又素有水田藉漢唐二渠不煩微力然往、就  
荒驅之領田如赴湯火又嘗閱甘肅先撫臣楊錦墾田軍不

領種分派各堡另立墾軍卒無成功此邊人之習墾田萬頃  
法當給五萬人若曰自領之而自墾之脫無領者將不墾乎  
是領田之戶當審也沿邊曠土軍民利而種之久之墾而為  
田勢必起科能欣然就乎至於曠野有沙壓之虞水濱有泛  
濫之憂一相度可知是起科當審也章下所司

丁丑尚寶司少卿徐貞明兼監察御史領墾田使鑄督理墾  
田閔防戶部請專責成寬課督善訓率廣招採時賑貸闢久  
荒蘊久役上從之貞明免治河募金築隄乃之荊州招南  
兵之習農者使治田仍餉之墾闢以億計畝收一鐘守臣將

次第課耕

大理寺卿吳時來為刑部右侍郎

臨江人訴知府錢若廢之冤上怒下獄訊之

辛巳諭兵部徵十萬金戶科石給中事楊坊言之不聽

前兵部左侍郎冀鍊卒鍊字益都人嘉靖甲辰進士知

縣遷戶部主事歷光祿少卿順天府丞以都御史巡撫河  
南改宣府兼兵部右侍郎予告起南兵部轉戶部未任常有

邊功予祭葬

程卿妖人劉青山伏誅

丁亥故游擊將軍韓元功贈都督同知世本衛千戶  
戊子夜夢出羽林旁形如彈丸尾長尺指東北其色蒼每夕  
漸東而縮

南京刑部尚書陳道基論罷

兵部尚書王遴罷時御用監稱駕出微馬若干正遴以故事  
本監印由司禮監傳奉出會極門發科抄無本監徑赴部者  
因執奏 上以宿留切責之

壬辰勅武清伯李文全太子少保兵部尚書兼左都御史趙  
錦居守

總督漕運戶部尚書王廷瞻改南京刑部尚書

甲午 上聞牛生麟雖斃令撫按以皮進初邑人曹國隆象

宗室勤儉上其圖巡按御史劉士忠上言麟不恒有於天下  
即有之亦未能識况其物已斃安得為祥 上怒仍趣進

署詹事府事吏部左侍郎周子義予告

乙未鎮江地震

閏九月戊戌朔賑鳳陽淮安十五萬金

前兵部右侍郎楊俊民為戶部右侍郎總督漕河事務巡撫  
鳳陽

叙閱視勞總督宣大尚書鄭維進太子少傅蔭錦衣衛百戶  
餘陞賞有差

廣東開建縣廣西懷賀二縣界金鷲黃沙諸峒為盜窟總督  
吳文華會兩省兵勦斬七百九十一級俘賊屬二百人而廣  
西復有府江之捷府江為粵中孔道江之兩畔峰巒幽翳猺  
獠居之通洛容象州諸賊巢出沒為亂官軍討之斬九百三  
十四級俘一百九人獲賊屬七百餘人蔭賚有差

癸卯 上發京師宿華華城

甲辰 午次感恩殿

乙巳 謁長陵永陵昭陵畢閱大峪山是日尚書楊巍畢鏘沈  
鯉舒化楊兆何起鳴倪光薦侍郎石星辛應乾僉都御史趙  
煥大理寺少卿王用汲太常寺卿何源禮科都給事中王三  
餘御史周希旦武臣定國公徐文璧恭順侯吳繼爵等皆踈  
請弗改卜申時行以徐學謨故力護之舒化何源咸請地術  
始薄大峪亦改否順天府尹沈思孝語申時行曰事甚大不  
宜上言臣前同禮官採術者奏用大峪今多言地未善章下  
禮官詳擇不妨更易如此則為國遠謀也時行首肯卒不上  
言思孝詰之荅曰某向與張宏交惡懼其借學故欲如君言

今宏死張誠舊好跡即止無後患也思孝笑而出  
丙午上閱黃山至於寶山又登大峪至於東井平岡諭閣  
臣曰寶山與大峪相等但寶山界二祖陵間其仍大峪申特  
行等褒贊聖德稱賀而退駕還御感思殿召閣臣入授部院  
諸跡曰茲事朕自主張而紛何者也時行曰諸臣亦仰贊  
聖裁無有他也上意未釋復示李植及御史柯挺二跡曰  
曰挺初云八寶山吉今跡八寶山不及大峪可令對狀植等  
原擇地三寶山差勝可調外任蓋植曰後鑿石橫濶數十  
丈如屏其下使如石地今欲用之則寶座在石上挺曰大峪  
之山萬馬奔騰回勢完美殆天秘真龍以待陛下植既謂  
外挺亦被詰尋與欽天監正張邦垣同奪俸邦垣四月挺三  
月先是上語左右曰今廷臣爭言堪輿彼秦始皇帝葬驪  
山亦求吉地未幾遭禍由此觀之選擇何益朕志定矣當不  
為群言所惑南海選貢生龐尚鴻目見壽宮有水奏入通政  
司申時行聞而格之延尚鴻邸中謁選除鹽城訓導  
談遷曰形家專門之學諸臣深其術則當言否則無謂也  
大峪山勢斜走時多異論吳縣持之益堅裁以宸斷乘  
輿四駕意主上富於春秋豈亦習形家言乎蓋輔臣餌

一二近侍以盪聖聰而箝多口至於舉朝保奏阿后土以欺皇天乘龍之日財二十餘年寢園不守其禍最速則當時異論要未可盡非也

丁未 上早發宿功德寺行宮

戊申還宮

癸丑夜月食

朵顏衛頭目咬兒幹求都指揮僉事約束部夷勅許之

乙卯總督薊遼軍務太子太保兵部尚書兼右副都御史張

佳胤還部辭兼官初部推佳胤及鄭洛部光先命再推則及

工部尚書楊元兵部侍郎王一鶚外傳 工屬意兆御史李

瑄顧雲程黃紀賢前論去王遴因奏遴實剛腹兆尤熟軟棄

遴用兆猶朝三暮四也 上以窺探各奪俸二月

東 銀燈煖兔西 以見鄧等合數萬騎犯蒲河瀋陽殺中

軍張良棟把總張治李成梁聞之命叅將李平胡等自大靜

堡尖山門出塞三百五十餘里伏於那林遣蒼頭軍先扼

破之斬百有八級 乃遁

馮時可曰近來邊功大都出塞搗巢或以為生事啟釁者非也大 以秋寇用彼之長而我以春搗襲彼之短 能

來我亦能往使彼，有所創而我懷有所敵，舍是則計畫無任矣。大率，資高擾馬皆野宿，一過深雪則所掠中國馬不能呵雪，嚙草莫不倒死，馬雖嚙草根僅活而已。故宿草既盡，新草未生之際，用間諜出游，兵搗之，可以得志。猶犬羊順則馴之，逆則震之，文帝答，詔云：漢過不先大哉，言乎先則為學，後則為威。

戊午第三公主薨，追封靜樂公主。

翰林院庶吉士鄒德溥、王荳、葉向高、周應賓、方從哲為編修，葛曦、徐待聘、楊元祥、鄧宗齡、李道統為簡討，姜應麟、梅國樓

邵庶、胡世麟、史孟麟為給事中，吳龍、徵、沈、權、王之棟、徐大化、楊紹程、梅鵬祚為御史，竄中立、劉大武為禮部主事。

復套，寧夏互市於清水中衛平，三廠初，抄胡兒青把都諸酋請迎佛慈，牧河西市，廠隔遠，故撫臣改於甘鎮之扁都，至是諸酋控於回達，漸歸巢矣。故復舊巡撫順天兵部左侍郎兼右僉都御史王一鶚總督薊遼保定軍務兼理糧餉。

太常寺卿何源為大理寺卿，光祿寺卿嚴大紀為太常寺卿，太僕寺卿秦耀為光祿寺卿，太常寺少卿裴應章為僕，太卿



湖廣按察使蹇達為右僉都御史整飭薊州兵備巡撫順天  
庚申以覆定壽官諭天下停刑刑部請各省直如京師例也  
刑科左給事中王繼先奏近日兵部題覆閱視總督鄭洛加  
太子少傅廕錦衣百戶張佳胤廕國子監臣竊以為過也夫  
邊圉無事諸臣脩理筦鑰脩理微勞亦其職分即使城隍盡  
浚墩堡盡脩以視戰功萬、不侔况未必然乎 皇上不過  
曰整理邊務効有勞績如是而已而遽邀奕世之賞如持左  
券歲復一歲在邊臣視為應得而何有於激勸之實萬曆三  
年閱視恩例在督撫不過獎以勅書賚以金帛未及陞廕允  
為中制迨七年稍優以官階廕監一人以巧營得之乃今日  
官保不已而廕矣廕監不已而錦衣矣當念名器之重閱視  
行賞悉倣三年例令洛等辭廕 上是之命以後加恩毋濫  
戶部覆給事中姚學閔請各邊各省墾荒鑿陂塘築圩畝貧  
戶資以牛種倉穀所開地每畝納穀三升 上命撫按力行  
之

十月朔起孫維清太常寺卿

戊辰北闈貢士史記純為編脩史鈎子馮詩張維寧為侍講  
張一桂客董邵陳邦訓楊日章孫喆胡正道俱竄籍 上聞

之諭却院禁倖門竄籍於是禮科給事中鍾羽正劾史紀純  
等八人提學副使董裕鐫一秩械竄籍以徇張維寧預焉史  
鈞免一桂降南京兵部員外郎初諸生順天張元吉落第造  
蜚語謂浙人冒籍妨歲士元吉與外戚鄭氏通姻故以此脩  
却

屬夷起免妻叩閭求復撫賞許之

庚午陝西總兵官署都督僉事李迎恩為都督僉事總兵官  
鎮守山西  
雲南總兵官沐昌祚設請坐營中軍視各邊總鎮以非制不

許

巡按湖廣御史任養心叅承天府推官李槃多殊筆增改試  
卷主考簡討張應元員外郎李同芳失檢命奪俸半年謫槃

吏部尚書楊巍考滿進太子少保

封秦王弟誼濂紫陽王誼浚鎮國將軍仍支中尉祿禮部謂  
非制誼濂祖懷塔以鎮國中尉進封及孫誼湜為王誼濂誼  
浚宜中尉不聽

壬申秦州地震

癸酉夜彗滅

尚京湖廣道御史王學曾言麟產於光山九重何以知之無亦左右訪外為容悅耳有旨朕原不好異物麟皮偶一取視未嘗侈禱祥自賀王學曾沽名云左右取悅何不指名鑄一級降興國州判官

丙子雲南道御史蔡時鼎言近日科場蜚語直達御前夫匿名告訐律有明禁諸司尚不得妄投何況宮禁清嚴之地縱其事盡公其言盡實猶恐啟讒間之門廣告訐之路矧又假冒濟誣因公遂私臣願陛下自今凡百機務仍普示外廷明辨是非毋以群臣之言皆不足信毋以親狎之言概不足

疑上怒手札諭閣臣重處許國王冢屏在直疎請罰俸半年且名列申時行王錫爵不聽謫時鼎馬邑典史中旨既下又調知冒籍貢士董邵等解發冤縱仍衣冠出阜城門就入便門責順天戶對狀於是許國王冢屏疎救曰人主萬幾之繁其任愈大其體愈尊必也精防苛細即聽斷甚精如漢宣帝唐德宗何補於治且使奸人乘機中傷將來之患不可勝言上怒次日手札曰朕嚴冒籍以瑞士風近因黨救訛上使人視問其縱法之罪卿等乃以為細必若所言是處朕於蒙昧而事皆聽決於下卿等其安心否耶二臣疎謝執爭如

初上意稍解府尹沈思考奏伏罪奪俸級三等

壬午前少師兼太子太師吏部尚書中極殿大學士張四維卒四維字蒲州人嘉靖癸丑進士選庶吉士授編脩歷中允翰林學士擢吏部侍郎署詹事府萬曆三年以禮部尚書兼東閣大學士累進前秩四維與張居正共事最久居正秉政頗尚缺急會其卒密跡請寬大罷一切法令又請拔海內直士久抑者已言路倚撫諸黨又請與之更始時論多之嘗稱楊一清翁萬達氣略磊砢無書生氣蓋自况云贈太師謚文毅予祭塋

甲申南京提督操江右僉都御史蕭崇業求養母應天府尹

王三接引年並許之

國子祭酒徐顯卿為少詹事直日講

先是巡撫四川維遵言松潘等處大小粟谷諸砦番殺掠當討始用兵遵去寂然兵科給事中王致祥奏番人亂者止一砦既用大師未免張皇總兵李應祥以新將御悍卒所徵播州天全諸土司兵未易集亦調度需人兵部覆以為失策於是申時行等言松潘疊茂即古維州吐蕃地本朝列戍略示羈縻然山谷險遠糧運艱難醜夷聚如蜂蟻散如馬獸在

剽為聲撫為權如一種作惡出其不意殲厥巨魁或毀其碉  
房或燒其青稞名曰鴟剽其餘各種並不搜求故番人懷德  
畏威雖小有草竊旋即底定此制馭諸番之要術也今該省  
官輕率寡謀一聞有警輒徵大兵番人間知得以為備且四  
川採木民間騷動軍餉空虛若兵連禍結為患非小明日  
工諭兵部下撫鎮相機制置毋貪功毋釀亂

房山知縣馬永亨加永平府同知時多礦盜故特重其權

十一月戊戌右副都御史孫丕揚應為天府尹

時南郊遣祀禮科都給事中王三餘言未可以為常 上以

不早請詰而宥之

癸卯右春坊右諭德兼翰林侍講韓世能為國子祭酒

東西二貢馬例從宣大督撫同進時西卜石兔請賞未

定總督宣大鄭洛請順義王先貢許之

戶部員外郎王一鳳管德州倉以前剪銀邊戎邊

貴州黎平苗秦銀應喬等作亂

己酉吏科都給事中齊世臣等言薊遼總督張佳胤薦真定

知縣江中信堪行取巡撫保定賈三近劾其縱肆擬降閑散

同一官同一時豈朝夷莫跡變幻無常哉何甲可乙否顛倒

一至於此 上命巡按御史覈之

夜月犯昴宿北第一星

甲寅廣東右布政使滕伯輪為右僉都御史提督操江

江西布政司 叅政王希元削籍希元先任福建提學副使

行部崇安以故御史朱璉作令崇安率諸生立祠自撰碑記

至是巡撫沈人种以聞吏部擬調簡 上以卑謫斥

丁巳松潘夷犯平夷堡巡撫徐元泰請兵之命大舉初松潘

南黃沙壩雪山諸羌國師刺麻多數有四十八寨與西卜賓

兔結諸小種豪灣仲占柯等附之出沒黃沙隄中伺便劫掠

殺軍尉二人冉駝北道不通徐元泰傳諭威德羌衆數千嘗

我掠官軍至剽剽腎腸纏牛角而奔之遂決勦巡按御史南

昌陳瑄議同與總兵李應祥發卒分隸四校右布政使朱孟

震主餉副使王鳳竹監軍

戊午右春坊右諭德兼翰林院侍講學士李長春清理貼黃

夜月犯角宿南第 星

雲南副總兵劉綎降游擊將軍綎故名將子部曲多健兒特

以自雄始征緬甸勒兵金沙江築將壇於王驥舊地糾合諸

夷收功斬馘而性貪御下不嚴還兵騰衝皆甲而噪以把總

廖文耀王化龍等剋餉也焚城民居百七十餘家知州某肘  
印而走縱自鑿莫聞而馳至以五百人自衛兵不敢動亦莫  
肯還乃出私財犒之又支餉人一金始定復至行署而思順  
逃撫按奏縱受思順金寶牙飾諸物又縱謝世祿夏世勳陳  
其正等淫其妻妹思順不堪倉皇出奔宜治縱罪上念其  
功故降秩下世祿等臺訊

貸食五城貧民米千三百八十六石薪若干給二千九百四

十四人至孟春止

總督陝西三邊右僉都御史兼兵部右侍郎鄒光先進兵部

尚書兼右副都御史仍總督

塞登州龍灣決河

甲子六安罪人夏鉞上跡株連多人下內閣欲逮其首惡閣

臣謂下民事一一煩宸聽將來不勝其瀆乞下撫按從之

丙寅順義王乞慶哈上表貢馬

十貳丁卯朔裁惜薪司冗官減大炭十五萬斤初易州山廠內  
臣至五百六十八人歲支大炭八十五萬斤邊商苦之

設滕縣沙溝鎮守備裁沙溝犁溝二巡檢司

減四川採木三之一

命尚賢司五年清覈牙牌祭牌金牌銅牌令牌銅符等司丞  
二人領其事

河南道御史饒位薦原任大理寺丞傅應楨行太僕寺少卿  
顏鯨廣東提舉司提舉管志道福建按察僉事甘雨戶科給  
事中姜志麟又薦太僕寺丞蔡悉叅議李盛春章下所司

庚午播州宣慰使楊應龍貢馬三十匹大木六十

少詹事張位為詹事仍署翰林院事 諭德于慎行洗馬陳

于陞俱為翰林院侍讀學士

庚辰寧陽侯陳應詔署府軍前衛事保定總兵官右都督楊

四畏為中軍都督府僉書

辛巳麗江知府木旺貢馬求旌額禮部謂無例乃賜勅

烏思藏大乘法王及長河宣慰使司番僧色錯領真等入貢

例賞約九千二百金有奇工部以節慎庫匱議移之四川布

政司番僧訴於禮部引萬曆六年奉旨事仍命工部給之

予故南京太常寺卿萬思謙祭葬

復蘄鎮遵化鞞重營及其將領

甲申翰林院編修黃洪憲曾朝節為侍讀侍講

鎮守保定總兵官署都督同知董一元為鎮朔將軍總兵官



鎮守宣府都督僉事侯繼高為總兵官鎮守浙江張邦奇為  
總兵官鎮守居庸昌平陶世臣為總兵官鎮守保定  
諭兵部寧陽侯年幼何遽推筭事其另推今後推勳臣具年  
籍以聞

乙酉冊瑞安長公主尚駙馬都尉萬燁

御史牟志登劾總督鄭洛十二罪內云廣人蔣遵箴附故輔  
為文選郎中妻沒聞洛有女求之不得託王篆求之亦不得  
適宣大關出脅洛成婚遂有總督之命洛妻聞而哭絕云  
奪志登俸六月

總督漕運戶部尚書王廷瞻改南京刑部尚書

己丑風霾

兵科給事中邵庶劾京城巡捕都督僉事李如松薊鎮副總  
兵指揮同知李如栢兄弟並從門廕列位樞機所為多不法  
上以如松如栢並因戰功與常廕不同毋苛及也

壬辰鎮守湖廣總兵官懷寧侯孫世芳提督漕運鎮守淮安  
軍政考察罷山西總兵官張鼎陝西總兵官李真

首哈不慎立誓悔罪求貢市復之

乙未上袷祭太廟

雲南羅雄人者繼宗作亂巡撫右都御史劉世魯總兵劉綎討之斬者繼宗俘千餘人降四千人貴州巡撫右都御史舒應龍協攻斬五十餘級降萬一千四百人平移曲靖左中所於羅雄曰定雄所順義王乞慶哈黃台吉死

瞿九思曰妒媚生患信哉乞慶哈始為將軍已悍慄雄諸部又蕩佚皆莫敢誰何已得辭王爵遂蒸父妻淫益甚然不兩載而哈族物故豈非好色必亡者乎又聞三娘子與乞慶哈相若甚妒始為俺荅妾亦奪矮克哈屯之權矮克卒快而死乃不得受我漢封哉夫矮克哈屯故乞慶哈母也何乃忘母大怨甚至敬其諸婦而又寵之宜其早死而不克王位也

是月前南京吏部尚書丘橐卒橐字諸城人嘉靖庚戌進士授行人擢刑科給事中歷兵科都給事中以薊遼邊事被杖除名後起禮科進南京太常少卿轉大理事予告已起右通政進刑部右侍郎遷尚書贈太子少保謚簡肅予祭葬

丙戌萬曆十四年

正朔子 皇次子常洵生貴妃鄭氏出

辛丑傳陞禮儀房供奉錦衣衛指揮僉事等殆百餘人兵科都給事中顧九思等諫沮不聽

逮 知縣何必麟以巡按福建御史楊四知劾其奸貪也壬寅徵太倉二十萬金以闕臣言減五萬

太僕寺卿裴應章為太常寺卿

南京協同守備署後軍都督府事武靖伯趙光遠為總兵官

鎮守湖廣副總兵王撫民為總兵官鎮守陝西

甲辰 世廟雍妃陳氏薨

丙午通政司左通政魏時亮為太僕寺卿

應城伯孫文棟協同南京守備

戊申右通政沈玄華太僕寺少卿周邦傑為左右通政

己酉工部覆徐貞明所列畿內水患一浚深州霸州等河一濬安州雄縣保定等河及束鹿深州等河隄一條河間任丘橋道一柅河間獻縣滹沱舊河俱估費訖從之

吏部請大計貪酷官從寬止下巡按御史追贓從之

庚戌吏部大計罷斥方面官六十八人貪酷官十四人立限追贓

辛亥兵科都給事中王致祥為太僕寺少卿  
吏部舉卓異布政使 等二十六人紀錄

壬子起蔡國珍福建按察副使李盛春江西右叅政甘雨浙  
江按察僉事俱原官薦舉

乙卯陳尚忠襲錦衣衛副千戶初外戚陳萬言孫書戒襲都  
指揮同知應龍戒襲指揮僉事今尚忠係四輩

左都御史錦趙憂去

丁巳奪雲南總兵官沐昌祚俸二月以大計不自陳也

己未前軍都督府僉書定西侯蔣建元管南京左軍都督府

事左軍都督府泰寧侯陳良弼署前軍都督府事南京中軍

都督府忻城伯趙泰脩為南京中軍都督府僉書署都督僉

事任大同王元為南京後軍都督府僉書武進伯朱世雍為

後軍都督府僉書

壬戌禮部請廣會試願命取三百五十人著為令經房舊十

七增易經之一

癸亥六科查叅考成者閣掾罰俸 上疑其輕以閣踪再從

之

辛自脩為左都御史時推刑部尚書舒化等 上特用之

福建總兵官于嵩免

甲子築大同鎮河鎮二堡磚城

乙丑雲南巡撫劉世曾請令兵備官陞遷候代上謂邊方兵備各候代何黔中不遵也命該科查叅

是月松番夷萬人犯蒲江閬黎將朱文達力拒之時巡撫徐元泰議征疊溪叛羌徵播州酉陽平茶馬湖諸路兵賊乘間先發

土蠻台豬約土蠻等犯前屯衆八萬巡撫顧養謙恐土蠻至難禦令總兵李成梁先徵兵伐謀率諸將黑雲龍佟養正等

出塞三百餘里搗於母林破之斬九百十級獲畜產千計  
瞿九思曰令甲以出塞為生事撲殺為啟釁然律於衰之時則計專於守今勢方強必按成法以繩將士則不可母林之戰獨非出塞乎哉今之患正以文皇北伐之後不復出塞故騎散於南牧以戰為守政患其出塞之不遠也封狼居胥之想諸將勉之

二丙寅朔兵科給事中李弘道薦海瑞顏鯨傳應禎梁綱管志道皆君子當進兵部尚書張佳胤總督薊遼當議上責其擅罰治

丁卯戶科覆工科給事中曲遷喬等議二事曰解十庫錢糧  
上納即收毋許官商擾害曰召買內庫受四方任土之貢歲  
有定數相沿二百餘年未聞不足嘉靖隆慶間、有召買數  
亦不侈萬曆元年至十三年供用庫納價十三萬八千七十  
四金甲庫價三萬四千八百四十金丁庫價二十五萬五千  
二百五十七金承運庫價二十八萬二千八百二十二金丙  
庫絲綿價三萬九千八百九十二金銀作局金價三萬三千  
六百二金共價七十九萬四千四百八十九金供用等庫之  
香蠟銀硃銅錫油漆絲綿等料若掌庫樽節自當充溢而該

庫動言闕乏不知器用將貽何所給何人而復屢行召買是  
不可不覈也減工部木炭之浮數汰惜薪司內臣之冗員當  
無再計乞勅司禮監將各項召買物料與各庫物料逐一簡  
閱則或闕欠或冒破較為明矣有旨第以後樽節毋妄費  
戊辰內閣申時行請立 東宮曰自萬曆十年元子誕生五  
年於茲麟祥螽斯方興未艾正名定分宜在今日昔 英宗  
為皇太子年二歲 孝宗為皇太子年六歲 武宗為皇太  
子未及歲也并蓋儲明震器之重冲年端蒙養之功有旨元子  
嬰弱稍俟一二年舉行

己巳禮科給事中王三餘請選翰林院庶吉士吏部覆擬二十餘人著為令

庚午申時行等再請立東宮旨如前

大學士王錫爵吏部左侍郎周子義主禮闈己貢士陳希伊吳國賓入闈蹴死罰御史柯挺等

壬申前被察湖廣按察副使顏鯨廣東按察僉事管志道許致仕吏部謂先朝察例甚嚴若以一二入誣枉破例將開貪緣干進之門今後察處官毋違旨混薦罷河南巡撫右副都御史臧惟一

戶科給事中常居敬請復召對之典報聞

南京前軍都督府僉書吳鯨為總兵官鎮守福建并浙江金溫南京守備署中軍都督府事臨淮侯李言恭總督京營

徙繁峙縣治於河北右龍岡

戊寅穎州有星大如栉隕東北隅

己卯右副都御史陳堯為刑部右侍郎巡撫湖廣右副都御史李江為南京刑部右侍郎

壬午五軍營左副將謝天祐為南京前軍都督府僉書

癸未南京太常寺卿孫坤為右副都御史巡撫湖廣巡撫山

東右僉都御史李輔為左副都御史回院

戶部覆浙江道御史宋仕請革羨餘處公費命通禁之

前南京守備魏國公徐邦瑞仍守備南京署中軍都督府事

甲申刑部江西司主事孫如法請立東宮貴妃恭妃並進

封召復姜應麟沈璟上怒謫潮陽典史

南京吏部右侍郎海瑞乞休且陳治晏大計曰自張居正罹

罪乾綱獨斷無一時一事不念小民而不收其效者失之有

刑而誤用也太祖初剝皮囊中洪武三十年定枉法八十

貫絞之律弘治間士多廉介之節民無漁奪之憂政刑原非

德禮外事正德初年美意始變世宗朝詹事霍韜疏有文

官惡其厲已託欽定事例改新犯之律貪官最害之大犯此

者撫按為甚撫按容貪可禁乎京師四方之極京官藉公

費無一衙門不趨輦轂下貪又可禁乎又及漕運倉場金花

馬價光祿寺之上供南京之馬快艇及宮女內臣等語多疵

滯上命仍供職

乙酉南京奉御馮保求恩赦還里通政司叅奏命逮其舍人

馮繼清

丙戌左通政沈玄華為南京太常寺卿



丁亥山西左布政使李戴為右副都御史巡撫山東

巡撫寧夏右僉都御史張九一被劾調外

兵部言軍餉改編非法命如舊解補

戊子順天府丞韓必顯為左通政

己丑貴州貢士尹新以江西人竄籍除名

庚寅四川總兵李應祥陳師鎮平分道並進會國師喇麻以

灣仲占柯來寇歸化游擊周于德伏兵鉄爐溝敗之殲其大

寨各將勒阿孝龍溪康卜諸寨連十餘戰羗潰走不踰月河

東悉平河西寇奪氣

辛卯吏部文選司郎中李忠尚為太常寺少卿

甲午大風霾

三月酉冊皇貴妃鄭氏德妃許氏

戊戌風霾求直言

移分守嶺東鎮兼銜兵備駐長樂轄惠州之歸善博羅河源  
龍川長樂興寧和平永安及潮州之程鄉平遙海防惠潮道  
仍兵巡移駐潮州轄海陽潮陽揭陽饒平澄海惠來大埔普  
寧海豐

庚子申時行等陳安民之要曰催科急迫之害微派加增之

害刑獄繁多之害用度奢靡之害然明旨申令不啻三五而  
議論不一詔令不行則非獨生民之害、且在國家矣今欲  
議論之一則題覆不可以不慎欲詔令之行則查叅不可以  
不嚴 上嘉納之

南京國子祭酒黃鳳翔終養

中使改慶孔明等為馮保等營解杖之遣戍孝陵

傳作天燈等初擬十萬金減費可七萬工科都給事中王敬  
民又請停止 上不得已減二萬五千金

辛丑 上朝畢召輔臣於煖閣出前殿稱善曰燒造織造原

非不得已可減之京東水田人情甚不便不宜強行申時行曰

高田宜黍麥下田宜種稻今情民蓋其下田故議墾非欲盡

熟之田也 上曰荒田可墾水田不可作時行退跡其利不

聽切責徐貞明擾民竟中輟時開墾已成收穫甚富一聞詔

下盡徹隄毀防斥為閑田垂成之功廢於一旦良可惜也蓋

諸闕多其人慮且傲江南起稅倡言撓之

順天府尹沈思孝調南京工科左給事中論其提調鄉試保

勘冒籍也有旨降俸級充欽出錫爵之門錫爵語陳有年曰

沈京兆被調乞休 上言其怨望奈何有年以問王家屏答

曰吾儕比肩啟閱安得彼獨聞天語乎吏部員外郎鄒元標引疾去

陝西左布政使梁問孟為右僉都御史巡撫寧夏提督四夷館太常寺少卿陳有年為右僉都御史巡撫江西

癸卯復漢陽縣儒學

上憂旱令有司條奏便宜時部曹多言貴妃事上怒欲重

譴尋解蹕並留中

予故少傅兼太子太傅彰武伯楊炳祭葬

刑部尚書舒化上四事詔信令清詞訟速問理嚴簡驗禁寬

濫上嘉納之

福建道御史王之棟言尚寶司少卿徐貞明奉詔治水利惟

滹沱河為真定大患詢諸父老謂此河決不可以人力治因

條十二事下廷議工部覆謂事無全利亦無全害徐貞明勞

役一年墾三萬九千餘頃獨蘆溝滹沱二河之費未便誠如

御史言上即召貞明入朝

談遷曰余讀潞水客談詳哉其言之也假在江陵時且即

用而需其成矣不幸以傳應楨之却坐免中得委任奪於

異議縣官每一役亡論便否輒收不已則任事之難自

古記之矣

乙巳命順天尹禱雨

太子少保吏部尚書楊巍言吏治六事正士習抑徼倖明選法酌開納完實政慎舉錯上嘉納之謂開納事應存應止下戶工二部酌焉

左春坊左諭德兼翰林院侍讀趙志臯為南京國子祭酒

總督漕運南京刑部尚書王廷瞻罷

己酉封楚王華奎庶祖母王氏為次妃

庚戌策貢士袁宗道等三百六十人於臯極殿賜唐文獻等

進士及第出身有差

壬子大理寺少卿王用汲為順天府尹

西寧侯宋世恩奪祿三之一以條議狂悖也

除徐貞明御史仍尚寶司少卿

乙卯改貴州程番府為定番州屬貴陽府初貴州巡撫舒應龍巡按毛在議降府為州以貴竹平伐二土司并歸化新哨二里改入會城為縣設派官至是設知州同知吏目各一儒學學正一

南京吏部右侍郎姜寶為南京刑部尚書南京右通政郭廷

梧為大理寺少卿

丙辰許遠東總兵官寧遠伯李成梁引疾三月如重事同撫  
按酌行

丁巳南京尚寶司卿周世選為南京右通政

戊午右春坊右諭德兼翰林院侍講李長春為左春坊左庶

子兼侍讀司經局洗馬兼翰林院脩撰趙用賢為右庶子兼  
侍讀

以霖旱遣告郊壇仍諭脩省

禮部復請嚴禁奢靡兼減織造燒造報可監視二程戶科給

事中穆來輔奏停不急之工罷淫祠之徑 上以其瀆議處

己未大理寺少卿何源為南京吏部右侍郎吏科都給事中

齊世臣為太常寺少卿提督四夷館

辛酉兵部覆刑科給事中李國士言班軍三害曰追呼曰扣

剋曰科派命申飭禁之

壬戌國子司業劉斌為左春坊左中允兼翰林院編脩署司

經局印

禮部覆閣臣及科道等跡請立皇長子不聽

四月丑朔 上享太廟

戊辰南京兵部尚書致仕

予故南京刑部尚書孫植祭墓

己巳南京國子司業習孔教為右春坊右中允署國子司業

庚午南京太僕寺卿石應岳為應天府尹

辛未翰林院脩撰沈懋學為南京國子司業

癸酉京師地震有聲申時行等上章引咎 上優荅之

乙亥予靈壁侯湯 祭墓謚

刑科給事中胡時麟言有罪官吏遣官扭解恐官旗之害甚於貪

酷之吏 上怒謂官旗何以致害奪俸二月

庚辰前順天府尹沈思孝為南京太僕寺卿仍降俸三等

河南道御史楊紹程言皇貴妃位亞中宮分則甚尊而恭妃

誕育元子系則甚重名分相臨或恐未安 上怒奪歲俸仍

戒百官不得訛君賣直

癸未予故兵部左侍郎谷中虛祭墓

乙酉南京戶科給事中王嗣美追論翰林脩撰沈懋孝壬午

主試應天私王篆子之鼎賄錄秋獻明王尚行賀學禮劉士

理包文燭各逮貢士覆試

丁亥禱旱郊壇

庚寅應天提學御史房寰誣奏南京右都御史海瑞官無善狀枉辭詆飾吏部以瑞人望仍供職

裁漢陽府學訓導二保定覽馬通判一

辛卯盜失文淵閣印限六月朔補賜自後相權日輕

四川總兵李應祥討西羌為浮橋六夜濟師諸將畢渡河西諸寨以次克諸殘羌走保絕壁兵不得上師環攻之播州土司楊應龍先登焚其巢穴羌乃潰兩河皆平諸殘羌願得保塞獻驍逆一人坑而斃之以誓曰埋奴道旁盟曰後有反者有如此塚凡下二十一寨斬一千七十五級於是巡撫徐元

泰立平番堡設守備戍三千五百人

瞿九思曰語曰一日縱敵數世之患信哉是言也楊柳諸

羌號百二十萬曩丁大夫玉兵至強乃不殲滅之何與白

草之役大將軍提士卒五千人竟全軍以沒此猶未敢與

徐司馬道也嗟予宋滄獻輿地圖而謂松疊險於劍閣瞿

塘也異哉徐司馬功此可畫麒麟而稱平羌將軍也

郭子章曰嗟予漢當中興尚閉玉關謝西域唐丁威際諸

番堡質侍子未聞自縛首先數十人甘心幽土以堅誓盟

自非靈威神武安能鎮壓其狼心建千古駭業哉

壬辰周世子壽添封周王

戊戌南京戶部尚書傅希摯改南京兵部翰林院編脩金孟麟為南京國子司業

協守延綏定邊副總兵署都指揮僉事杜桐為總兵官鎮守延綏

五月未朔申時行言壽宮工程例次輔以下通闕從之

己亥四川嘉定州孀婦張氏王憲明妻也少寡守志乙酉十月祭夫墓舟覆嘉陵江中至是日屍出如生鄉人驚歎立祠癸卯御皇極門宣遠東之捷

乙巳工部左侍郎王友賢為南京戶部尚書

叙遠東功進王一鸚右都御史兼兵部右侍郎仍總督顧養謙右副都御史仍巡撫

丙午諭內閣曰令戶部市金珠內承運庫司禮太監孔成以皇六妹婚禮急需金賈計各色金四千三百兩青紅寶石九千九百二十一枚西珠六百枚各等珠九萬二千七百七十七枚珊瑚三萬六千枚珊瑚等料二十七斤七兩翠羽一千七十五枚各色香九千八百三十四兩酥合香油七筭戶科部給事中田疇求節省停免不允閣臣揭請允之



戶部覆巡按河南御史劉士忠所陳重折之害情農之害  
上以折俸太重殊為民累下撫按酌減

南京工部尚書陰武卿乞減免織造燒造器物查改標薦停  
解花梨等木改折皮張蠲省欠物料免取杉楠不聽

己酉戶科右給事中曲遷喬劾禮部主事文在中所刊觀字  
篇畔道義禮乞火其書命鐫一級調南京

辛亥前尚寶司丞楊時喬為南京太僕寺丞

甲寅戶部尚書畢鏘致仕

乙卯曾同亨趙煥為工部左右侍郎國子祭酒韓世能為南

京禮部右侍郎

戊午設南京通政司使復光祿寺少卿

予故南京工部尚書劉一儒祭墓

庚申賑延綏饑

辛酉鑄文淵閣印

壬戌總督倉場戶部左侍郎宋纁為戶部尚書

左春坊左庶子兼翰林院侍讀學士李長春為國子祭酒

是月江南北江西大水河南山西陝西大旱

六甲子朔巡按雲南御史毛在言貴州土酋頗悍而安國亨為

甚奸人為潛入京偵探乞厥衛嚴緝有旨土司夷民事聽本省撫按毋越奏

乙丑周府國中尉勒併訐奏鄉官卓世彥上欲遣內臣法司往訊閣臣止之始下撫按

張國彥為戶部左侍郎

戊辰光祿寺卿秦耀為右僉都御史巡撫南贛汀韶提督軍

務戶部左侍郎毛綱總督倉場

己巳發臨清德州倉粟二十萬石賑真定河南

庚午太僕寺卿魏時亮為光祿寺卿

丁丑翰林院侍讀劉元震為左春坊右諭德兼侍讀

左副都御史李輔清理貼黃

戊寅撫治鄆陽右副都御史方弘靜為南京戶部右侍郎總

督糧儲

前都察院簡校洪兢奏臣父朝選為勞堪所殺願與同死章

下法司

庚辰雲南按察使李材為右僉都御史提督軍務撫治鄆陽

辛巳禮部左侍郎兼翰林院侍讀學士朱賡改吏部詹事府

詹事兼翰林院侍讀學士張位為禮部右侍郎並兼官如故

仍日講教習庶吉士

壬午前少傅兼太子太師吏部尚書武英殿大學士陳以勤卒以勤字南充人嘉靖辛丑進士選庶吉士授簡討歷

脩撰侍讀學士夏言當國欲薦直青詞婉謝之進太常卿祭酒禮吏工部侍郎穆宗在潛邸侍講讀最久深自晦匿及

即位手詔直內閣屢工章見採且有羽翼功早退林居十七年或笑其迂荅曰士君子立身行己當自迂始予祭墓贈太

傅謚文端

左春坊左諭德兼翰林院侍讀劉虞夔清理軍政貼黃

命都司署印僉書更番餽運

癸未戶部以沿海沿邊軍需錢糧重大巡按御史兼覈請各

給勅從之命視蕪昌例行

乙酉免大同夏稅十之七

夜通州大風雨石工二壩沉糧舟二十有一

丙戌少詹事徐顯卿為詹事署翰林院事仍經筵日講

丁亥以壽宮費鉅聞嘉靖間撫按贖鍰進助大工下工部議之

戊子南京工部右侍郎張孟男為通政司使王弘誨于慎行

為禮部左右侍郎兼翰林院侍讀學士  
賑柳潯平樂饑

己丑旌旰晷人蔣臚一門孝義貞節

庚寅申時行等言諸臣助工似宜停罷如後費不支臣等當  
率在京文武官辭俸薪佐公家之急不許工部言庫積事例  
六十萬金目前可給容後圖之

談遷曰捐俸助大工自始於嚴嵩此何足傲而吳縣顧師  
之庸相型模不自知其陋矣

七甲午朔 上享太廟

辛亥予故成國公朱國禎祭墓國禎水死禮部議減墓命如  
例

乙卯進士彭遵古諸壽賢顧允成言南京提學御史房震誣  
論右都御史海瑞夫瑞為當朝偉人震貪污狼籍天下人為  
瑞甚難為震甚易因數其欺罔有五 上以遵古等輕肆削  
籍因令各衙門堂官約束辦事進士

周邦傑趙參魯為左右通政

禮部覆太常寺卿裴應章祀典當議四事曰太廟侑享國初  
建四親廟親王侑東廡功臣侑西廡洪武九年進親王殿東

壁功臣西壁嘉靖間仍序西廡應奉據禮而論謂諸王從  
祖祔食今四祖已祗諸王無祔則議罷禮也但欲祔之祗廟  
亦有未安蓋以祗藏毀廟之主為祖也非為孫也禮有祗不  
聞侑祗功臣西壁始為合禮曰內殿祭告奉先殿在大內非  
外廷可預故祭品辨自光祿寺告文執事人俱供自內太常  
寺不與焉嘉靖以來冊封諸藩例遣官時用該寺官而祭品  
祝文則仍內也萬曆元年該寺請遣官奉旨躬享二年又申  
明舊例仍內廷供事夫大內禁地先朝宜如其舊曰諸妃祔  
陵先是長獻景裕茂康六陵諸妃塋金山者祭本墓嘉靖十

七年罷本墓祔陵應章欲

世廟諸妃升祔陵殿為宜曰陵

祭品物各陵時祭祝文牲帛俱同元旦禮宜加隆顧九陵恭  
讓恭仁之陵止酒菓而越靖等王及諸王妃又牲帛祀文反  
從其厚此應章有畫一之議也臣等度之八陵帝后歲暮祔  
祭於廟旬日復孟春之享故元旦於陵止酒菓非儉也禮也  
諸王諸妃祔祭春祭皆不預而元旦特用牲帛亦禮也所未  
盡者恭讓恭仁既不與祔享不設牲帛是亦闕文議者偶未  
之及耳謂宜增二陵之祭補所未備而諸王諸妃祝文繫初  
塋時所用而時享仍之於義未協宜改撰通時 上並從之

于慎行曰國初建四親廟以十六王祔食皆太祖之伯  
叔兄弟祔食祖廟禮也然諸王之享本祔四祖及數世  
之後四祖已祔而諸王之位依然如故則何所祔而享乎  
且二祖列聖以來親王無後者代有之即禰廟未遷  
不間祔食之禮况祔廟之後何以獨存誠以為太祖所  
祔不敢輕議則四親之廟亦太祖所立也又可祔乎且  
使四祖未祔則十六王屬為子姓配食其旁統於尊也  
四祖既祔則二祖一宗皆十六王曾玄之屬而儼然  
臨之使其祔享於下恐非所以妥先靈而叙世次矣漢世

祖嘗以兄武哀王姊昭哀后祔享太工寢廟及孝元之世  
太工寢廟既毀二祀亦罷以其無所祔也今即未忍遽廢  
宜如金山諸王事例於鳳陽墓所時祭即園陵無考則祔  
享皇陵祖陵亦無不可在廟非禮也

戊午刑部尚書舒化議五城御史凡訟宜受理不宜問罪又  
不得濫罰及簡託刺字報可

周府宗正鎮國中尉睦樸率睦樸博習經傳讓產於弟購書  
作萬卷堂年七十所著書多行世上重其學行加祭一壇  
予塋

辛酉潮漳副總兵劉大勳為總兵官鎮守福建金温  
壬戌南京右春坊右諭德田一儁為左春坊左諭德兼翰林  
院侍讀纂脩玉牒

八  
癸亥朔前巡撫甘肅右僉都御史王堉巡撫陝西  
南京奉御馮保專恣戍孝陵其黨容用杖八十受役

乙丑長洲歲貢生王敬臣選授國子監博士敬臣績學篤孝  
嘗刲股廬墓學者稱少湖先生所著有婦訓家禮纂游武夷  
記行於世  
蠲賑贛州府屬縣有差

巡撫江西右僉都御史陳有年請減陶器不許闕臣揭曰前  
旨燒造難成及不係緊要者查明裁減故有年奏上若擬旨  
不允無以信海內臣愚宜已成者進之餘減止或如嘉靖間  
改用礬紅或別色庶詔令可信仍不聽初閣揭最重申時行  
屢請上頗懷疑多不報

辛未鑄太僕寺督理馬政闕防  
癸酉覆試壬午南榜貢士狄獻明等五人俱文理平通惟賀  
學禮除名考官沈懋孝鐫一級調外  
甲申蠲賑臨沅鞏昌有差

丁亥大學士許國考滿進柱國少傅兼太子太傅詹國子生  
汝陽王府鎮國中尉朝璣弒母賜死

九月辰朔大學士王家屏憂去

南京提學御史房寰疏辨彭遵古等仍詆海瑞 上不問  
許嘉定折漕三年以地不產米也

兵部以安南都統使莫茂洽求下雷歸順各州地相安非一  
日妄瀆天聽不許其已歸一百二十餘村又龍邦龍蒲二村  
民類夷習豈來孤古二村地近石林再議分給俾各遵守從  
之

乙未尚寶司卿施策請申飭巡直官赴司領牌畫字從之否  
則指叅

丙申脩天壇

丁酉太子少保吏部尚書楊巍再乞休不允

戊戌申時行請等補閣員不允

癸卯右春坊右庶子兼翰林院侍讀趙用賢侍讀盛訥主武  
闈

甲辰以開封彰德河南南陽并汝州漕糧三十一萬石全折  
一年蘓被災之民



丙午右春坊右中允習孔教為南京右春坊右諭德署翰林院事

山東貢士凌守約許成名冒籍除名

予故延綏總兵官賈國忠祭塋

庶戎應天府丞杜友蘭為南京光祿寺卿

定軍人犯徒流罪並免刺字但以盜論

貴州宣慰使安國亨進大木求封誥加銜賜服色命工部按

例賜大紅飛魚衣一襲金一鎰

辛亥南京太僕寺卿沈思孝奏救進士彭遵古等求復冠帶

極言房寰貪穢不允

壬子山東按察副使詹仰庇為南京太僕寺少卿

戶部左侍郎張國彥言蘓杭之織幣江西之陶器與公主之

廣求珠寶此三事或者與漢王百金之費相類乎乞暫停之

有旨改正堯器前已寬減

命武舉取百人不為例

乙卯免兗縣唐縣馬價

巡按廣西御史蔡系周奏廣西僻遠遵例冬至三日前審決而奉旨停刑以冬至後四日至於事無及乞明年停刑章下

所司

戊午 上不豫免朝講

己未選戶部司官五人賫帑金三十九萬分賑各省固原六萬甘肅延綏各三萬山西六萬連東真順廣大及河南各五萬淮揚鳳陽山東各三萬

貴州威清衛雨雹傷稼

戶部進金珠寶石雜料共費七萬八千六百三十五金

十甲子翰林院侍讀盛訥為國子司業

乙丑土魯番入貢

丙子國子祭酒李長春進刊論語注疏

己卯巡撫福建右僉都御史沈人种病癩致仕

泰山碧霞宮香客蹠死六十一人

庚辰推官楊其休李廷謨朱朝弼吳之鵬知縣萬自約許弘綱凌登瀛和虞 吳之佳郭顯忠洪有復朱維藩杜廉徐桓太常寺博士侯先春為給事中維藩廉桓俱南京又庶吉士楊鳳禮科給事中

辛巳推官郭萬里秦大慶彭而珩左之宜知縣張鳴崗趙士登文德王象蒙許守恩高舉李本固吳達可徐元傳霖甘士

价喬壁星鍾化民王慎德馮應鳳章邦翰陳維芝孫琬劉應  
龍史旌賢韓介韓可成江有源陳邦科黃仁榮中書舍人陳  
高謨林文英行人賈希夷各試監察御史可成而珩有源邦  
科仁榮俱南京

壬午右僉都御史賈待問為左副都御史提督軍務巡撫福  
建

兵部訟言劉綎羅雄之功賜金二鎰許後用

十月辛卯朔予故南京兵部尚書劉克誨祭墓

壬辰南京兵部尚書郭應聘卒應聘字

莆田人嘉靖庚

戌進士

癸巳光祿寺卿魏時亮為左僉都御史

旌吉王翊鑿孝友賑恤

冒籍貢士武維謙除名

戊戌前光祿寺卿孫鑰起原官

壬寅工宿南郊齋宮

癸卯郊還御皇極殿受賀

李如楨為錦衣衛南鎮撫司僉書

戊申吏部稽勲司署員外郎事主事顧憲成奏辨所囑託房  
冢上不問

庚戌前禮部尚書萬士和卒士和字  
進士 宜興人嘉靖辛丑  
贈

太子少保謚文恭

辛亥太常寺丞董弘業郊祀時弘業趨事佩勾鼎耳不得脫  
上立待久之又贊禮官聲不續各停俸半年

癸丑潁州兵備僉事李弘道陝西行太僕寺少卿兼按察僉  
事邢侗俱致仕

命順天尹禱雪

丁巳提督織造司禮太監孫隆言今春夏多雨所貯穀匹多  
變色乞閔貧匠照例解進命以堪用者上

己未巡撫大同右僉都御史胡來貢請改祀北嶽於渾源州  
禮部言漢唐宋北岳之祭俱在定州曲陽至渾源之稱北岳  
止見於州誌碑於經傳亡考請如弘治中例量脩渾源廟從  
之

戊午巡撫貴州右副都御史舒應龍為南京大理寺卿  
十月辛酉朔吏科左給事中張養蒙言近陞錦衣衛僉書都指

揮同知羅秀本太監滕祥蒼頭往年營求兵部尚書王遴不  
遂中繫而去今竟得之物議紛、乞加褫片仍諭本兵張佳  
胤勿以簠簋損名命免羅秀

壬戌沁源王埜墀長子效鑠有罪廢為庶人奪王祿三之一  
甲子山東道御史朱應穀言錦衣立枷之愆乞開所犯數則  
題請為例餘勿概用不聽

丙寅四川巡撫徐元泰討建昌桐槽黑骨諸夷各有斬獲又  
議討邛邛部叛夷贖乃

瞿九思曰捍柯作楚孛漢所為西南夷也慄桀故已甚今

尚如是如是臣又聞瀘水多烟瘴夏秋不可渡、輒能殺  
人孔明竟以五月而渡壯哉建越幸大捷自冬徂秋大將  
軍之刀鋸日敵倘方孔明而興者予臣獨慮罕羅鉄口之  
夷強合未滅他日西三邊有患豈此間耶然臣不敢道也

丁卯予故南京戶部尚書黃光昇祭葬光昇字 晉江人

嘉靖己丑進士知 縣擢給事中歷廣東按察使布政使

以定安南平徭黎新會賊之功進右副都御史巡撫四川又  
採木進兵部 侍郎總制川廣貴州剿叛苗賜金綺召入工  
部尋拜南京工部尚書己酉刑部告老四年復起南戶部在

道以稽命罷

贈太子少保謚恭肅

壬申南京大理寺卿李汝終養

甲戌發臨清德州二倉米於大名

為明春煮粥賑饑也

丙子太子太保兵部尚書張佳胤致仕佳胤屢被劾乞休始允

壬午召前吏部尚書嚴清署兵部辭不至

癸未總督陝西都光先言宣大一苗麥力哥把兔等來由川底西陲人馬俱困前來肅州求市賞亦有秋而然因議其不悅將三一梟示倘悔罪姑予之薄賞報可

予故南京兵部尚書戴才祭葬

甲申禮部上宗藩條例

予故右都御史兼兵部左侍郎何棟祭葬

丁亥潞府講官董樾等九年考滿進脩撰仍兼簡討郭文燦

進主事

禳旱遣告南郊

己丑吏部左侍郎兼翰林院侍讀學士周子義卒子義字

無錫人嘉靖

進士選庶吉士授

歷今官予祭葬

贈禮部尚書謚文恪

東昌王登伺官吏迎春謀劫庫事泄伏誅

先是安南清華道人鄭檢自稱故王黎氏後引兵侵莫茂冷

已檢死子松攻城茂冷出奔

瞿九思曰傳稱一姓不再興而况於篡弒得之者子丁陳

黎三氏干戈連尋卒無源史安枕也信哉文皇帝始

何嘗不憐陳氏後然季聲之慘耗矣犁其庭而郡縣之及

章皇帝得黎氏後安南復王矣厥後歸黎利莫氏篡之


終為都統使豈亦非陳氏弗王子由北觀之帝王自有真

豈人力也哉

是年榆林套莊前擁象過西環海工名掠番族因求樺林

川駐牧遂擾西寧闔榆林趨水塘環水塘皆番也莊前屢寇

邊





書